

MAZITA ANOMHURA

 Maita henuy, Hama Neville. Izvi zvaita sechi—chishamiso kwandiri. Ndanga ndisiri kufanira kunge ndiri pano nhasi. Asi, husiku nhasi ndiwo husiku hwechirairo, uye nda—uye ndafunga kuti ndongodzika kuno mangwanani ano. Zvino ndafonera Hama Neville, uye vakati, “Zvakanaka, zvino, kana muri kuuya zasi kuno,” vati, “madii kungotaura kwatiri zvishoma?”

² Zvino ndafunga, saka, kana ndikauya zasi kuno, uye zvichigoneka, ndaisazoparidza, asi ndaingada kutaura nechechi kwechinguva pazvinhu izvo, munoziva, zvandinofunga kuti zvingasimbisa chechi.

³ Tichangodzoka kubva pane rwedu—kubva parwendo rwedu rwekunovhima rwemuchirimo, hama nen, pano, uye takava nenguva inobwinya. Isu—isu tinotenda zvikuru, tose takazadzwa, uye—uye tikawana mhuka dzedu dzatainge tichivhimira. Uye—uye mufundisi wedu nen tinoziva kuti nyama yemhuka yemusango yakanaka zvikuru, kwazvo. Zvino saka takawana nemhembwe yakaisvonaka. Uye ndakawana chitsere nemhembwe mbiri. Ndokubva tatzoka.

⁴ Uye ino inofanira kuva nguva yandichataura pamusoro peZvisimbiso zviya ⁷ zvekupedzisira. Zvino havana kugadzirira chechi. Uye pane chimwe chinh, chipingaidzo, chakazvikonzera. Icho, ndinofunga kuti guta riri kutiomesera, nekuda kwekusakwana kwenzvimbó yekupaka pahuwandu hwewanhu vatiri...uhwo chechi ichatora.

⁵ Tinoda chechi itsva kuti ivakte pano, uye tine chikamu chakati kuti chemari yacho chakatocheneterwa izvozvo, uye—uye tovaka chechi hu—huru. Asi patakava neshumiro idzi, handiti, munonzwisia zvazviri. Chinh chinosiririsa kwazvo. Vanhu vakamira nemadziro, kunze kuchinaya, uye—uye—uye hazvitongofadzi. Uye kunyang kutsoropodzwia kwaibva kushamwari dzangu. Vakati, “Hama Branham, vanoita sevari...” Shamwari yangu chiremba, yakati, “Zvinoita sekunge munogona kuwana imwe nzvimbo.” Akati, “Ndinonzwa tsitsi, vachipfuura.”

⁶ Mukoti anova muvakidzani nen, akati, “Handiti, ndakapfuura neipapo mamwe mangwanani na 5 o’clock. Maifanira kunge muripo...” Uye akati, “Vanhu vakanga votoungana kare pachechi iyoyo zasi uko, na 5 o’clock mangwanani. Manga muri kuzofanira kunge muripo na 9:30.” Saka, munoona, zvino zvinoita kuti zviome.

⁷ Uye tinoda chechi ine nzvimbo, uye umo munhu wose anogona kugara pasi. Zvino tinofunga kuti tiri kurarama

mumazuva okupedzisira, tinozvitenda. Ipo apo... Tinofanira kunge tichidzidzisa Chechi nezve—nezve—nezve zvinhu izvi, zviri kuitika, zvinhu zvakaporofitwa, zvimwe zvachyo, zviuru zvemakore. Uye kweanenge makore 25 ne 30, zvichibva chaimo muchechi ino, zvakaporofitwa, zvaizoitika. Uye zvino tave nazvo zvichisvika pakuitika chaiko. Saka tinofanira kuvandudza zvinhu izvi, asi hatina nzvimbo yakakwana. Saka mangwanani ano...

⁸ Ndakanga ndichifona nezvimwe, nezuro, uye ndinofanira kuzofona zvakare, masikati ano, nezvimwe zvakadaro. Uye zvakare ndaiva nevamwe vanhu vaida kuuya, muchinda wechidiki akanaka, anga akangobatikana nekuhuta-huta, hama mushumiri mumunda wekuvhanger. Nevakati wandei vakadaro, uye neimwe hama inobva kuNorway. Zvino—zvino takava nehurukuro duku kumashure mukamuri yekumashure. Ini ndikati, “Zvakanaka, zvino, tochingobuda.”

⁹ Uye Hama Neville vakati, “Zvino, tichabuda totaura mazwi mashoma ekusimbisa Chechi zvishoma.” Zvekuta-...

¹⁰ Chimwe chezvinhu zvekutanga chandinoda kutaura. Ndanyora pasi zvimwe zvinhu zvachyo pano pabepa, izvo, pandinouya kuchechi, ndanga ndichida kuzotaura. Chinhu chimwe chandanga ndanyora apa chaiva maererano nokushaya kweHama yedu ine nyasha Taylor patakanga taenda.

¹¹ Hama Taylor vanga vachiuya kuchechi ino kwemakore nemakore. Isu tese taivaziva, ndine chokwadi. Asi kana paine vaenzi pano, aiva muchinda uya mutana anokosha aigara achikuwanirai pekugara, kuti mugare pasi. Hama Taylor, nguva yandakapedzisira kovaona zvino, kusvikira ndazovaona vari jaya, vakanga vakamira ipapo pamukova angaita maSvondo 3 kana 4 apfuura. Vakati, “Ndinodawo kuva nemabhuku, Hama Branham. Ndinoda kugovera mabhuku aya.” Saka isu, ivo...

¹² Zvandinonzwisisa, vakanga vaine shuga ndokupinda mukoma, uye havana... vasingazivi kuti vane shuga. Uye—uye vaka... Vakafa. Havana kumbofa. Vakangoenda kunova naIshe Jesu.

¹³ Uye vakanga vari hama yakatendeka, inoshamisa, yaigara ichirangarira vamwe vanhu. Uye mufaro wavo waiva wekuvedza kutsvagira mumwe munhu nzvimbo yekugara, kana vauya kuchechi. Uye munoziva, zvichida, kana tayambuka Mukaha, hazvingave zvakanaka here kuona Hama Taylor ikoko, votiwanira nzvimbo yekugara pasi, kune rimwe divi?

¹⁴ Ndinofunga, mukurangarira Hama Taylor... Ndakanga ndisiri pano kuti ndizvitaure naHama Neville, pamariro avo, asi ndinoda kutaura shoko rekutenda kwangu, kuchirikadzi yavo. Hanzvadzi Taylor, ndinofunga, vari pano pane imwe nzvimbo mangwanani ano, mwoyo wavo wakatendeka ngauropafadzwe!

¹⁵ Hama Taylor, rimwe zuva vakati, "Huyai muzondiona. Ndine dziva duku rakacherwa kumusoro uko, ndikaisa hove mariri, kuti muuye kuzoraura." Vaigara vachifunga nezvemumwe munhu. Zvino pakava nemumwe Munhu akarangarira nezvavo, aiva Kristu, kuvapa ruponeso.

¹⁶ Ndinofunga, mukurangarira, zvakadaro, kuchechi ino, apo yakaungana semutumbi mangwanani ano, ngatisimukei pamwe chete, tikotamise misoro yedu pamberi paMwari.

¹⁷ Baba vedu vari Kudenga, isu sevanhu mangwanani ano, uye neva—vanouya kunzvimbo ino yokunamatira . . . Ruoko rweNyu rukuru rwakafamba pakati pedu ndokutora kubva kwatiri mumwe wehama dzedu dzinokosha yatinoda, uye yatinoziva kuti Maivada. Uye Maiva nechikonzero chezvoze izvi, Ishe, kana kuti zvingadai zvisina kuitika nenzira iyi, tichiziva kuti Bhaibheri redu rinotiudza, kuti, "Zvinhu zvose zvinoshandira pamwe mukunaka kune avo vanoda Mwari." Uye ndizvo zvavakaita.

¹⁸ Zvino tinotarisa kwese, munyika, uye tinowana zvisikwa nenzira yose zvichitaura kwatiri, kuti guva harigoni kuvabata, nokuti panyika vakashumira chinangwa chaMakavatumira pano kuzoita. Vaive hama yakanaka, yakavimbika.

¹⁹ Tinozviona muhupenyu hwezvinomera, uye nemuhupenyu hwezuva rino buda mangwanani kuti ritipe chiedza. Zvino pakati pezuva rino va repakati. Uye zve manheru rino fa zvakare, richizomuka zvakare mangwanani anotevera, ravandudzwa uye riri idzva, nokuti rakashumira chinangwa chaMwari.

²⁰ Tinoona maruva paanotumbuka nekunakisa nyika nekushongedza mahoro edzimba dzevanoviga vanhu, nenzvimbo dzemuchato, uye oshumira chinangwa; rozarura mwoyo waro uye nokupa kunze, pachena, huchi kunyuchi, nezvinonhuhwira kumupfuuri, runako kumutsvagi. Rinopa zvose zvarinazvo, mubasa raMwari, robva rakotamisa musoro waro mudiki. Asi kana pfumvudza yasvika, rino muka zvakare, nokuti rakashumira chinangwa chaMwari.

²¹ Zvino pamberi pezvisikwa zvose, uye neBhaibheri, vimbiso, neMweya Mutsvene, tinogona kupembera nemufaro mumoyo medu, kuziva kuti Hama yedu Taylor, naivowo, Ishe, vakashumira chinangwa chaMwari. Uye kutaura kuti havazomuki zvakare kunenge kuri kuramba Bhaibheri redu, Mwari vedu, nezvinhu zvose zvatakapihwa naMwari kuti titarise, kuti tizive kuti kune rumuko. Saka tiri kutarisira kunguva yatichazovaona zvakare, pavanenge vari wechidiki uye vaseine hutano hwakanaka uye vasingazomborwari kana kuchembera.

²² Ropafadzai mudzimai wavo anokosha, shamwari yavo yakatendeka. Kutu tichavasuwa kwazvo, kwenguva refu, Ishe, tichivaona vachienda kunze pamwe chete kuchidziva,

uye vachinogara pamabhenji madiki kunze uko, vachiraura, nokutaura, uye kuti vakanga vari vadiwa chaivo vari vaviri.

²³ Uye zvino tinoziva kuti kune Zuva guru riri kuuya, apo magamba ekutenda achafora napasi pechivakwa cherangaridzo yekukunda, neNgirozi dza...nenziyo dzichazadza mudenga. Tichavaona zvakare munzvimbo iyoyo.

²⁴ Kusvikira panguva iyoyo, Ishe, tipei kushinga. Tiropafadzei uye mutibatsire. Tichasuwa Hama Taylor kwenguva refu, uye nemunhu wese anouya pachechi pano, pavaimira pamusuwo votsvagira aiuya nzvimbo kuti anzwe Shoko raMwari, kuti agare akasununguka uye akazorora.

²⁵ Rimwe zuva pavakashaya, Ishe, ndakanamata kuti Mutumwa mukuru waMwari amire ipapo pamukova, kuti avatsvagirewo nzvimbo, zvakare, Ishe, uye yavaigona kuti vagare pasi. Nokuti zvakanyorwa muBhaibheri, "Vane tsitsi vachawana tsitsi." Kusvikira tavaona, Ishe, dai ndangariro dzaramba dzichitapira mumwoyo yedu, kusvikira rimwe zuva patinosangana zvakare mune imwe Nyika. Kubudikidza neZita rajesu Kristu tinozvikumbira. Ameni.

²⁶ Tichavasuwa kwenguva refu pakati pedu nepakati pevayeni, nevamwe vakadaro, vanouya kuchechi yedu, kana chivakwa chedu pano, kuzonamata. Mweya wavo ngauzorore murugare pamberi paMwari, kusvikira Zuva iroro.

²⁷ Rimwe zuva, zvakare, mumwe nemumwe wedu achaenda, mumwe nemumwe, kusvikira tadtika tichitevedza mutsara saizvozvo. Regai isu zvino, tichine nguva, uye tichikwanisa, ngatizvigadzirirei kunguva iyoyo iri kuuya; nokuti hatizivi kuti zvichaitika rinihi. Hatizivi kuti ndiani achatevera. Ngatiraramei saizvozvo, kuti pazuva rimwe nerimwe, kuti kana richazouya, richiva redu, tinenge takagadzirira.

²⁸ Zvino, ndinoda kupa zviziviso. Zvino, munguva pfupi, zvichida, pamwe, handisati ndataura nematirastii kubva zvandakadzoka, maererano nemamiriro ekuvaka che—chechi pano, kana zvatinofanira kuita zvinotevera, kugadzira chechi yedu kuti tigone kuzova nemusangano wedu. Zvino ndozoenderera mberi, ndiregerereiwo, ne—neZvisimbiso Zvinomwe, uyezve Ndiro Nomwe, nezvinhu zvakawanda zvatinofanira kunge tiri kupinda mazviri, pakarepo.

²⁹ Uye zvino, Svondo inouya mangwanani, ikoko, ndichave ndiri kuElizabethtown, Kentucky, naHama L. G. Hoover, kushumiro ye—yekukumikidza. Uye ndiko kunokumikidza tabhenakeri itsva, kana tabhenakeri yavakatenga kuElizabethtown, Kentucky. Zasi chaiko 62 kusvikira wasvika kuElizabethtown, kana kuti zasi chaiko, ndinoreva, 31, kana zasi kwemugwagwa mukuru. Ungori paunotenera, inokuendesa kuElizabethtown. Unongotora ringaite awa. Kungangoita mamaira 35, 40 kudzika zasi

ikoko. Ndinofunga, anenge mamaira 40, nenzira ye...ye 31, uye mamaira angangoita 35, kana mamwewo, neimwe nzira, uchidzika nemugwagwa mukuru. Iri pana Mulberry Street.

³⁰ Shumiro yekukumikidza. Hama Hoover vachava neSunday school yemazuva ese na 10 o'clock. Uye ndichaparidza pashumiro yekukumikidza, kubva na 11 kusvika na 12, Svondo ino riri kuuya, Mbudzi 11.

³¹ Pabhodhi rezviziviso kunze uko, ndipo pane nya—nyaya yacho nezvazvo. Uye ichave pa... Unogona kuwana nzira yako kubva pano chaipo. Iri pana Mulberry Street. Kana kuti vanopha mafambiro ekuendako pa... Ari pabhodhi rezviziviso kunze uko pamberi pechechi.

³² Zvadaro, muna—muna Mbudzi musi wa—wa 22, ndi—ndinofanira kunge ndiri kuShreveport, Louisiana, 22, 23, 24, 25, ne—ne 26. Mazuva 5, ndinofunga, paShreveport, Louisiana, paLife Tabhenakeri. Ndiina Hama Moore. Vari kupemberera jubheri ravo regoridhe. Ropafadzo repentekosti rakawira muShreveport, Louisiana, makore 50 akapfuura, musi wa 22 mwedzi uno. Makore 50, mharidzo yekutanga yepentekosti yakaparidzwa. Ndokuburuka, Mweya Mutsvene wakaburuka, muLouisiana. Zvino vane chirangaridzo pane izvozvo, uye rino ijubheri regoridhe. Uye ndiri kuzofanira kutaura jubheri iri, husiku 5, naHama Moore, paShreveport, Life Tabhenakeri.

³³ Kana une chero shamwari imomo uye nekwakapoteredza ikoko, handiti, dzaunoda kunyorera, kana chimwe chinhu, vaungafara kuva navo ikoko. Uye ingovaudza nezvemisangano iri kuuya.

³⁴ Zvino Life Tabhenakeri, kana pane akambovako pamwe naHama Moore, murume akanaka. Uye kune boka revanhu rakanaka, vakare vaya vekuMaodzanyemba. Hautongone kuvakunda. Uye saka, Life Tabhenakeri, ani zvake ari muShreveport anogona kukuudza pairi. Shreveport ine vanhu vangangoita 200,000. Uye iguta rakanaka, nenzvimbo zhinji dzepukugara. Saka...

³⁵ Uye tabhenakeri yacho itabhenakeri huru, tabhenakeri huru kwazvo. Ine imba yepamusoro, nemabharikon, nehoro yacho pachayo, neimwewo iri mberi kwayo. Zvino kunongova nenzvimbo yakawanda. Uye kumhiri kwacho kwakanangana chaiko kubva kuodhitoriyamu yeguta inogara vanhu 5,000. Sekungo—sekungoyambuka mugwagwa pano, kuenda kuodhitoriyamu yeguta.

³⁶ Zvino Mufundisi Jack T. Moore, kana—kana Life Tabhenakeri paShreveport, Louisiana. Inotanga musi wa 22. Uchave Chita-...China kusvika Svondo. China, Chishanu, Mugovera, Svondo, mazuva 4 pachinzvimbo che 5. Ndine hurombo. Ichange iri misi ya 22, 23, 24, na 25. Ndinofunga kuti ndizvo zvazviri, ya—yaMbudzi.

³⁷ Uye zvino, tichaona zvino kuti todini, zvatakaita pamusoro pechechi pano, kuona kuti chechi yakafambira mberi sei pakuwana chivakwa chayo. Varidzi vebasa vakatiudza kuti vanogona kuisa varume vakakwana pairi, kusvika mazuva angangoita 10 vanogona kupotsa vaipedza kuitira kuti tigopinda mairi, munoono, nokukasika chaiko. Uye vakangomirira kuti guta risaine. Munoziva, uye tinofanira kuva nehumwe huwandumwenzvimbo yekupaka, uye nezvakawanda zveizvi. Uye, oo, ini zvangu, zvinongori zviga zvakangowanda-wanda zvekutevedza, kuti utange kuvaka chero chii zvacho. Asi ndinoda kuuya kuchechi ndisati ndadzokera kumunda wekuvhangera zvakare.

³⁸ Zvino ndakagamuchira kudanwa kuenda kuTanganyika, Uganda, nokupfuura naikoko. Joseph ane misangano yakaiswa kutanga muna Kukadzi.

³⁹ Uye nezuro, pandakapinda, paiva nedzimwe hama, uye naHanzvadzi Thoms nevamwe, vakabva mhiri kwamakungwa, vakanga vauya. Uye vakanga... Ndakawana katsamba kakaiswa pamusuwo wangu, kana—kana kokero kubva kune ba—bato riri zasi muSouth Africa. Saka ndiri kuvanyorera, kuti ndione chaizvo zvingaitwa. Pamwe, ndichiri kure kwakadaro, ndinogona kudzika muSouth Africa, pamwe, muchikamu chekupedzisira chaKukadzi naKurume, muri munguva iyoyo.

⁴⁰ Zvino tinotarisira kumutsiridza chechi, kuti ndigokwanisa kuunza aya Mazera eKereke imomo, chando chisati—chisati chapinda, kana zvichibvira. Kana ndikasadaro, kana pandinofanira kudzoka kubva ikoko, kana Ishe Jesu vakanonoka.

⁴¹ Ndaiteerera nezuro pandakange ndichitora, ndinotenda kuti akanga ari marimwezuro, nezve tepi. Ndafunga kuti ndainzwa ichirira pano mangwanani ano. Imwe hama diki yekuMaodzanyemba yaive... Mai vavo vakanga vauya kumusangano. Vaiva nechibundu pazamu ravo, uye vakanga vakafukidzwu nerufu. Zvino Mweya Mutsvene, mune mumwe wemisangano ichangopfura, kuSouthern Pines, ndinotenda kwaiveko, kana kumwewo, wakavaudza, ukataura nezvebundu ravo, uye kuti vaive ani, nekwavanobva. Uye ndokuti vaiva nemwanakomana akanga akadzokera shure, uye aizoita tsaona, ova nemhosva yekuuraya munhu. Uye nezvinhu zvakawanda zvakadaro. Zvino muchinda uyu...

⁴² Zvose zvakaitika nenzira yacho chaiyo. Uye bundu ravo rekenza, kana bundu rakashata, waro, rakavasiya. Rinova, bundu rakashata ikenza, munoziva. Saka rakabva ra—ravasiya. Zvino mukomana akatongerwa kuuraya munhu, uye zvose nenzira yemataurirwo chaiwo azvakaitwa neMweya Mutsvene. Zvino akatungamirirwa kuna Kristu, akadzoka zvakare. Zvino akagadzira tepi yazvo, uye nda—ndakainzwa ichirira. Makaitirwa zvakanaka here nehurukuro

duku iya, yekare yekuMaodzanyemba? [Ungano inoti, "Ameni."—Mupepeti] Akati, "Zasi kuno kuNorth Carolin'er," akadaro. Oo, ndinongozvida izvozvo, vanhu vakare ivavo vekuMaodzanyemba. Uye akanga ane... Ishe vakangoramba vachimuropafadza. Akati, "Ndinoziva kuti munoti hamuparidzi dzidziso, Hama Branham; kuungano yenu chete." Akati, "Isu tiri chikamu cheungano yenu." Saka zvakanga zvakanaka chaizvo maari, kutaura izvozvo.

⁴³ Uye zvino pane mufananidzo, ndinofunga, pamwe, uri pabhodhi rezviziviso mangwanani ano. Kana usiri, Billy achauisa ipapo. Nguva zhinji zvainzi, pandakatanga kutaura, kuti vakati, "Munongofungidzira, Hama Branham, kuti munoona Chiedza ichocho, Chiedza ichocho." Zvichida, hapatorina...

⁴⁴ Panogona kunge paine vamwe vasara pano, vatendi vekare vanorangarira kumashure, mifananidzo yaCho isati yambotorwa. Pane here anondirangarira ndichitaura izvozvo, nguva dzekare-kare? Tarisai. Maoko angaita 4 kana 5 chete. Hanzvadzi Spencer pano, uye Hama neHanzvadzi Slaughter, uye—uye nehama iri *pano*, nehama iri neche *apo*. Vanongori 5 kana 6 vevatendi vekare vasara.

⁴⁵ Saka, zvino, mushure mechinguva, ziso remuchina wekamera iyoyo rakatora mufananidzo iwoyo. Saka wakaenda kuWashington, DC ndokupfuura nemune vaongorori, ndokudzoka, "Haisi mifananidzo miviri pafirimu rimwe kana chii zvacho." Vakati, "Chiedza chakarova ziso rekamera." NdiGeorge J. Lacy. Mune zita rake rakasainwa. Maona?

⁴⁶ Zvino, saka, kazhinji munonzwa, ndinotarisa zvino ndoti, "Pane mumvuri mutema pamusoro pemunhu *uyu*. Akafukidzwa nerufu." Vangani vakandinzwa ndichitaura kudaro? Nguva zhinji, munoona, nguva zhinji. Zvino, zvakaitika kuti kamera yakazvibata izvozvo. Uye saka tinawo pano.

⁴⁷ Mudzimai akauya kune imwe hanzvadzi uye akange amuudza, mumusangano mu—muCarolina, kwatakava nomusangano wakaisvonaka kwazvo kuSouthern Pines. Uye ipapo, mudzimai akanga ava kufa nekenza iri pamazamu ose. Uye vanachiremba vakanga vamutadzirira vamusiya kuti afe. Zvino mudzimai *uyu* akangonanavira pasi ndokutora mufananidzo wake, pandaingomuudza kuti aiva ani, uye nekwaakabva. Zvino ndakati, "Pane mumvuri mutema pamusoro penyu. Makafukidzwa nerufu." Zvino mudzimai akangotora mufananidzo weuyu. Uye hezvoka izvo paziso remuchina wekamera, ndokutora mumvuri werufu.

⁴⁸ Kana paine chero wenyu akaona *Mirairo Ine Gumi*, uye akaona ngirozi yerufu, kuti yakaverevedza sei mukati, mumvuri uya mutema, waitaridzika zvinosuwisa, uri pamufananidzo *uyu*. Uye ndinofunga kuti uri pabhodhi rezviziviso zvino. Kana

usiri, Billy anondinzwa, handiti, muitei kuti auise pabhoodhi rezviziviso. Uye une chinongedzo chakanongedza pamunhu wacho. Zvino munhu wacho, mumvuri wakabva pamudzimai, uye akapodzwa nenzira inoshamisa. Asi pane chakaita sechifukidzo, hutsi hutema hwakaungana uye hwakafukidza mudzimai uyu, uye hwakarembera huchibva pakenza iyoyo saizvozvo, huchibva ipapo. Hongu, ndiwo mumvuri umo rufu rwuri kudururukiramo, zvakare, kubva pakenza.

⁴⁹ Zvino, zvisinei nekuti unoedza zvakadini kutaurira vanhu Chokwadi, pane mumwe munhu achafungira zvisizvo kuti Ichicho hachisi Chokwadi. Uye kana ukagara uchitaura Chokwadi, saka unoziva kuti zvau—zvauri kureva ndizvozvo.

⁵⁰ Ndine shamwari anova mu—muzvinapurazi remombe, kumusoro kuMadokero. Uye—uye vanochengetedza zvisikwa vakabhadhara madhora angaita 4,000 pamotokari inofamba muchando, kuti vaverenge danga remaelk akanga asara mhiri muTroublesome Valley. VaJeverez vakagara muno muchechi, ndakavatungamirira kuna Kristu, vari uyo asingatendi zvachose. Uye makandinzwa ndichitaura nyaya yepataitasva tiri pamwe chete. Zvino vakanga vasingatendi mune chimwe chinhu kunze kwezvitendwa zvaDarwin. “Uye kuti Mwana uya, akaberekwa nemhandara, zvaive zvisina maturo.” Zvino takanodzika musasa humwe husiku apo chaipo paakagamuchira Kristu.

⁵¹ Uye saka murume uyu akavaudza. Akati, “Zvino, hazvitombodi kuti mutenge motokari iyoyo, motokari iyoyo inofamba muchando.” Akati, “Ndichakuudzai chaizvo kuti maelk mangani ari kumusoro uko.” Akati, “Kune 19.” Akati, “Kwaive ne 20... Kwaive ne 21, uye ndikauraya maviri awo.” Apa aitaura nemuchengeti wemhuka wacho. Asingafaniri kunze kwekuuraya 1. Saka akati, “Kwaive ne 21, uye ndikauraya 2 awo. Zvikasiya ari 19.”

Uye akati, “Hongu, Jeff, ndinoziva kuti wakauraya 2 awo.”

Akati, “Ndakazviita.”

⁵² Zvino, vakatora motokari inofamba muchando, vakaenda kumusoro ikoko, kwaiva nedanga remaelk 19. Akati, “Billy, ingoudza munhu chokwadi; haazvitendi.”

⁵³ Saka ndizvo zvazvingori. Unogona kuudza vanhu Chokwadi, asi zvakadaro ivo... Pave nekusanzwisisana kwakawanda ne—nekunyepa pamusoro pezvinhu kusvikira havachatendi kuti uri kutaura Chokwadi paunenge uchivaudza Chokwadi. Maona?

⁵⁴ Asi tinotenda zvikuru kuti tina Baba voKudenga Vanosimbisa Chokwadi ichocco nechisimbiso. Ichokwadi. Saka zvino kana rino richizova zuva rangu rekupedzisira panyika, izvo... kunyangwe tsvagurudzo yesainzi nehumbowo zvakaratidza kuti ndakataura Chokwadi pamusoro pezvinhu izvi. Ndizvozvo. Ichokwadi. Saka pamwe uchange uri pabhoodhi

rezviziviso. Billy, uri mukamuri umo here? Unawo muruoko rwako here, mufananidzo? Uye kana uinawo, zvakakanaka, huya nawo pano, ipapo unogona kuuisa kumusoro kuno, pamwe vangauona. Zvino, handizivi. Panozove nechiedza pa—pabhodhi.

⁵⁵ Uye heunoi—heunoi mufananidzo uri pano chaipo. Ndinodaira kuti hamugone kuuona. Asi *apa* chaipo munogona kuona chifukidzo ichocco chemumvuri werufu pamusoro pemusoro wemudzimai iyeye. Uye hezvinoi zvakanyorwa pamusoro pazvo kumashure *uku*, uko mudzimai akatora mufananidzo, uye kuona kana wakanyatsoratidza. Uye hechoka icho, i—ipapo. Chifukidzo chemumvuri werufu.

⁵⁶ Munona mudzimai wacho, uyo ari ipapo chaipo? Makauona, ndinodaira kudaro, Hama Neville, hamuna here? [Hama Neville vanoti, “Hongu.”—Mupepeti] Uh-huh.

⁵⁷ Saka, Billy zvichida achauisa pabhodhi rezviziviso, kana ungadaro, Billy. Huya, uutore, ugoenda nawo wopota nokumberi wouisa pabhodhi, kuti munhu wese agone kuuona pavanenge vachibuda. Iye kana Doc, chero mumwe wavo. Zvino ndafunga, pamwe, unogona kuratidza zvakajeka zvekuti unogona kuuona, asi kune rima rakawandisa kumhando iyoyo yemufananidzo. Asi achauisa kunze uko, kuti mugouona, pavanenge vachibuda.

Zvino, rangarirai zviziviso zvose.

⁵⁸ Uye zvino, mangwanani ano, ndafunga kuti pamwe tingataure zvishoma pamusoro pechimwe chinhu chokukurudzira chechi, chimwe chinhu chingakupei zvakawanda...

⁵⁹ [Hama Doc Branham vanoti, “Mungada chiyedza chiya?”—Mupepeti] Watii? [“Mungada chiyedza chiya here pairi?”] Hongu, Doc, kana ukadaro. Zvingave zvakakanaka.

⁶⁰ Ndinoda kushandisa izvi pano. Ndanga ndine... Zvimwe zvacho zvaive zvisina kuiswa, pavhiki rapfuura, saka tafunga kuti pamwe zvaizopa zviri nani zvishoma zvanhasi. Ndanga ndichida kutaura nevvazvo, nokuti zvaiva nechokuita nechi-chiroto cheimwe hanzvadzi.

⁶¹ Handizivi kana Hanzvadzi Shepherd vari muchechi mangwanani ano. Ndakasangana navo humwe husiku. Uye nguva yokutanga yandakaona mudzimai iyeye, chaizvoizvo, ndakanga ndisingatombozivi kuti aiva ani. Ndiye here? Ndinofunga haasi. Hongu. Mungava nehanya nazvo here, chingava chimwe chinhu chisiri mugwara here, kana ndikataura nezvechiroto ichocco, Hanzvadzi Shepherd? Hamungavi nehanya nazvo, handiti? Zvakanaka. Zvakaringana.

Uye tisati tasvika pazviri, ngatikotamisei misoro yedu zvakare.

⁶² Baba veKudenga vane Nyasha, kwaMuri tinopa rumbidzo nokuda kwerunako rweNyu rwose netsitsi. Uye zvino,

tidzikamisei, Ishe, kuti tidzidze Shoko raMwari mupenyu, Richiuya kwatiri kubudikidza nechiratidzo uye richisimbisa neMweya Mutsvene, richitsigirwa neBhaibheri. Saka tinonamata kuti Mutipe kunzwisia, kuti tigoziva zvokuita mumazuva ano okupedzisira tichiona masimba akaipa ari kutipoteredza zvino. Hondo, hondo yekupedzisira yava kuda kurwiwa. Tibatsireiwo, Ishe. Sevarwi chaivo, vakasimba, ngatichengete nhovo yeKutenda yakasimudzwa, neShoko raMwari, Munondo, toenda mberi. MuZita raJesu. Ameni.

⁶³ Zvino, ndichifunga nezvekufambira mberi, hondo, seho—hondo yagadzirirwa, yagadzirira kuchirwiwa, ho—hondo chaiyo, kurwa kurwa kwekutenda.

⁶⁴ Hanzvadzi Shepherd pano, neHama Shepherd, avo vari shamwari dzedu dzakanaka kwazvo, uye vanouya kutabhenakeri ino. Zvino vana vaMwari vakakosha. Uye—uye Hanzvadzi Shepherd ava, pandakanga ndichitora tsamba dzangu, dzemhando iyo Billy anogona kupindura, mumwe munhu anongoti, “Nditumireiwo machira akanamatirwa akawanda kudai.” Zvino ndinoanamatira. Anongodzipindura. Asi kana iri tsamba iri yega, ndinofanira kuipindura pachangu, munoona. Saka ndakatora tsamba dzangu dziri dzega, uye saka ndakanga ndichienda nadzo kumba. Zvino ndaiverenga imomo, yakati, “Kubva kuna Hanzvadzi Shepherd.” Zvino yaive hope yavaive varota, ye—yemwedzi yakapfuura. Zvino havana kungokwanisa kuinzvisisa kusvikira maSvondo maviri kana matatu apfuura, pandakadzidzisa pamusoro peaya—aya *Mazera Manomwe eKereke* ne—nemi—michero 7, Petro Wechipiri, kuti zvinotora sei, Petro Wechipiri 1, “Kuwedzera pane kutenda kwedu.” Maona?

⁶⁵ Kutanga, pahwaro, ndiko Kutenda. Chechipiri, wedzera pakutenda kwako, simba; pasimba rako, ruzivo; kubva paruzivo, kuzvidzora; kubva pakuzvidzora, kutsungirira; pane kutsungirira, humwari; uye kubva pahumwari, rudo kuhama, mutsa kuhama; uye kwochitevera rudo, rwuri irwo dombo rechiruvi. Zvinomwe zvezvinhu izvozvo. Mazera 7 ekereke, munoona, nenyeredzi 7 dzemazera ekereke, uye zvose zvinobatanidzwa pamwe chete noMweya Mutsvene.

⁶⁶ Zvino, ndizvo zvazvinotora kuva muranda waKristu. Kristu anovaka Kereke yaKe mumazera 7 ekereke; Mwenga waKe, Munhu, mudzimai, Chechi. Mazera 7 ekereke anoumba nekugadzira Mwenga. Vamwe vanobva muzera *rino*, uye vamwe vanobva muzera *iro*, nevamwe vanobva muzera *iro*, uye vose pamwe chete, vachiumba sepiramidhi.

⁶⁷ SaEnoki, akavaka mapiramidhi, zvatintenda. Zvino dombo rechiruvi harina kumboiswa pamusoro pawo, nekuti dombo repamusoro rakarambwa. Uye takatora zvino, kwete seDzidziso, asi kuti tinzwisisse, kuitira chechi bedzi pano. Kuti izvi...

⁶⁸ Mwari vanoZvikwanisa muhutatu. VanoZvikwanisa muna “Baba, Mwanakomana, Mweya Mutsvene,” mahofisi 3 aMwari 1. VanoZvikwanisa mune “kururamiswa, kucheneswa, rubhabhatidzo rweMweya Mutsvene,” zvounza kukwaniswa, mabasa enyasha. AnoZvikwanisa mukuuya kutatu: kwekutanga, kudzikinura Mwenga waKe; kwechipiri, kugamuchira Mwenga waKe; kwechitatu, muMireniyamu pamwe neMwenga waKe. Uye zvinhu zvoze zvinokwaniswa muhutatu. Uye 7 ndiyo nhamba yekunamata yaMwari. Mwari vanonamatwa mune 7, kupedziswa, zvino vakakwaniswa nekupedziswa.

⁶⁹ Zvino chinhu chinoshamisa chaive, kwete kupinzira izvi, asi kungokuratidzai, mhembwe yekupedzisira yandakawana yaive nekwakapinza kwenyanga 5 kune rimwe divi uye ne 3 kune rimwe; munona, nyasha nekukwaniswa.

⁷⁰ Zvino cherechedzai pane izvi, kuti Kristu. Mwari vakanyora maBhaibheri matatu. Bhaibheri rekutanga raiva muchadenga, rainzi hurongwa hwenyeredzi. Zvino, kana usingazivi Bhuku raJobho, ingokanganwa nevvazvo, nokuti, nokuti Jobho ndiye anozvitsanangura, kuti akatarira kumusoro sei uye akatumidza mazita zvinhu izvozvo zviri mudenga.

⁷¹ Uye cherechedzai, muhurongwa hwenyeredzi, hwakatanga nei? Chinhu chekutanga muhurongwa hwenyeredzi imhandara. Chinhu chekupedzisira muhurongwa hwenyeredzi ndiLeo shumba. Kuuya kwekutanga kwaKristu, kubudikidza nemhandara. Kuuya kwechipiri, Leo shumba, Shumba yerudzi rwaJudha.

⁷² Zvino Enoki akapedzisa muzuva rake, kana kuti kumashure muzuva iroro, piramidhi. Uye zvaizodaro...Chokwadi, hatina nguva yekuzviisira nheyo uye nokuratidza kuti piramidhi iroro rakakwira sei nomumakamuri nevvimwe zvakadaro. Rinotaura rakananga chaiko kunguva yekupedzisira zvino. Vari mukamuri yamambo zvino, nekuyera kwacho. Asi dombo repamusoro harina kumboiswa papiramidhi. Zvino rakagara chaipo zvakakwana, pamavakirwo, kana—kana kuvezwa hwematombo. Kusvikira, kunyange...kareza katete kadiki... Havatozive kuti vakamborivaka sei, havazvinzwisise, kuti reza ingagona here kumbopinda mumativi panofanira kunge paine dhaka iroro. Uye hamutorina dhaka mairi. Yakangokwana, yakaiswa pamwe chete.

⁷³ Saka ndizvo zvazviri kana Kristu neKereke vava chinhu chimwe. Hapana dhaka pakati. Hapana chinhu pakati; ndiMwari nemunhu chete. Mwari, Kristu, nemunhu.

⁷⁴ Zvino, asi, dombo repachiruvi, havasati vamboriwana. Munoziva Dombo reScone ravanaro kuEngland, panogadzwa madzimambo, kana kuti ku—kuvaisa korona, nevvimwe zvakadaro. Asi ibwe repamusoro...

⁷⁵ Cherechedzai pamari yedhora reAmerica. Uchaona kana . . . pamari yedhora reAmerica, kune rimwe divi, divi rekuruboshwe, ndicho chisimbiso cheAmerica, chapungu chine . . . zvemapfumo muruoko rwacho, kudivi rechipiri, ichi chinonzi chisimbiso “cheUnited States.” Asi kune rimwe divi racho kune piramidhi uye, pamusoro payo, ziso guru, uye zasi apa panoti, “Chisimbiso chikuru.” Chingave sei “Chisimbiso chikuru” munyika ino, kunyangwe pamusoro pechisimbiso chenyika yedu? Maona?

⁷⁶ Zvisinei nezvaungamboita, Mwari vanoita kuti zvitaure zvime chetezvo. Maona? Vanoita kuti mutadzi ataaure nezvazvo. Vanoita kuti nyika itaure nezvazvo. Zvinhu zvose zvinofanira kutaura nezvaVo. Zvisinei iwe—iwe uchida kuZvitenda kana kuti kwete, Zviripo ipapo.

⁷⁷ Zvino, cherechedzai, mune ziso imomo, ziso raMwari. Uye nekuti chiruvi ichocco hachina kubva, Chisimbiso chePamusoro, nekuti Chakarambwu, icho chaive Mwanakomana waMwari; Dombo repakona pechivakwa, Chisimbiso chePamusoro chepiramidhi, nezvose izvi. Zvino—zvino, ndiri . . . handidi ku . . .

⁷⁸ Dzimwe nguva vanotepa zvinhu izvi, uye zvinobuda pakati pehama mumachechi, emamwe machechi. Uye kana vaita izvozvo, zvino hama dzimwe nguva dzinowana maonero asiri iwo, kuti ndiri kutaura chimwe chinhu pamusoro pehama. Asi handisi. Ini . . . Kana mukangoteerera uye nekunzwisa, munoona, handisi kutaura zvinopesana nechero hama zvayo. Nokuti, hazvina kufanira kuhama, kutaura zvakaipa pamusoro pemumwe nomumwe. Tinofanira kutaura tichimiririrana, kwete tichipesana mumwe nemumwe.

⁷⁹ Asi kana ndikataura imwe nguva pamusoro perimwe sangano, sePresbyteriani, Methodisti, kana rimwewo, vanoti, “Munoona, anopesana naro.” Handipesani nehama iri imomo, kana hanzvadzi iri imomo. Hurongwa huri kupatsanura hukama hwehama ndihwo hwandinotaura ndichipesana nahwo. Vana vaMwari imhuri imwe chete, uye kwete—uye kwete mapoka akasiyana-siyana.

⁸⁰ Zvino vamwe vavo vanoti, “Ini handizove nechokuita nazvo, nokuti iPresbyteriani. Uye ndiri muMethodisti.” Maona? Zvino, handizvo. Maona? Ndiwo hurongwa hwesangano iroro hunoparadza hukama ihwohwo hwehama. Maona?

⁸¹ Zvino, izvozvo, sezvandakambotaura, kana wanga uchidzika nerwizi uri muigwa rekare rinotaridzika kusakara, wanga uri kuedza kuenda kumapopoma, uye ndoziva kuti izvozvo hazvisi kuzoshanda, saka, zvino, handisi kuzhambatata, ndichikutsiura. Ndiri kuedza kukuita kuti ubude muigwa iroro. Maona? Nokuti, igwa ndiro richapamuka, uye—uye—uye uchasara, wakagara wega, mumvura. Saka—saka haisi—haisi hama iri muigwa, asi ndiri kudanidzira kune hama kuti ndiiratidze zviri kuda kuzoitika.

⁸² Zvino, hurongwa hwese uhu, hwakaitwa nevanhu mukubudirira kwavo hunofanira kuperara. Ndizvo zvoga. Vanofanira kuuya... Tinofanira kuuya pahumwe, kuhukama hwehama. Ndicho chabe chiri chinangwa changu chehupenyu kuedza kubatanidza uye kwete kuputsa sangano, asi kuvaita kuti vasiye pfungwa dzavo, uye vova hama kuMukristu wose akazvarwa patsva. Maona? Iyoyo, ndiyo pfungwa yacho. Ndipo pandakamira, saka, zvino, kana hama dzikazvicherechedza. Ini...

⁸³ Vazhinji vehama dzedu, kunyangwe munharaunda dzedu dzeVhangeri Rakazara, havatendi kuti maBaptisti nemaMethodisti, nemaLutherani uye nevamwe, vane mukana. Asi, zvino, zavavoreva zvinogona kunge zvirizvo. Asi handibvumirani nazvo. Ndinotenda kuti zera pano, reZera rechiLutherani, muzera iri *pano* rainzi, ndinotenda kudaro, Zera reSardhisi. Uyezve Zera reFiradherfia, remaMethodisti. Uyezve rePentekosti, Zera reRaodhikia. Ndinotenda kuti ndiwo mazera acho. Uye Mwari, mune rimwe nerimwe remazera iwayo, vakatora vanhu vakasanangurwa. Uye mune iwayo, sekutura kunoita VaHebheru 11, kuti, "Ivo pasina isu havana kukwaniswa." Maona? Asi zvino Chechi yakabva pane *izvi*, ichisvika pakuva vashoma nguva dzose, kusvikira Yapinda muzera rePentekosti.

⁸⁴ Zvino, chikonzero ndiri kutaura izvi, kuti muwane nzwisiso pane zvakarotwa nehanzvadzi. Zvino chiroto chavo zvirokwazvo chinoenderana nezvandange ndichidzidzisa.

⁸⁵ Cherechedzai zvino pano, zvino, zvinhu zvose izvi zvamunoudzwa naPetro Wokutanga ndima 6 ne 7, ku-... nokutenda kwako, ndicho chekutanga. Zvino, ndinoti vanhu vanozviti vane nehunhu uhu vasina kana kuzvarwa patsva. Uye ndinotenda kuti ndakataura chirevo chakakwasharara uye ndikati, "Zvakaita seshiri nhema iri kuedza kuisa minhenga yepikoko mairi, uye yozviita pikoko." Haikwanisi kuzviita. Panofanira kuva nemunhenga wepamasikirwo unomera kubva mairi. Mukati mayo munofanira kubuditsa munhenga iwoyo kunze.

⁸⁶ Uye nguva dzose, zvino ndagara ndichipomerwa mhosva yekuomesera hanzvadzi dzedu, pamusoro pekugera bvudzi, nekupenda kumeso kwavo kwese, nezvime. Ndagara ndichipomerwa mhosva yekuomesera hanzvadzi dzedu. Ha-hakusi kuti ndine chimwe chandinopesana nazvo. Handiti mudzimai uyu haasi mudzimai akanaka, kuti chipfeve chemunzira kana chimwe chinhu. Handiwo maonero angu. Asi, ndeizvi, paanoisa zvakawanda zvekuwedzera kunze, zvinoratidza kuti mukati mune zvakawanda zvekuwedzera, munona, pari panofanira kunge pakazadzwa naKristu. Nokuti, kunze nguva dzose kunoratidza zviri mukati. "Munovaziva nezvibereko zvavo." Maona? Uye apo Kristu

anofanira kunge ari imomo, uye nekuva nehanya naMwari, uye nekuita hanya nezvimwe zvinhu pachinzvimbo chekuratidza zvakawanda zvekuisira, uye munoziva, maziso egirinhi, uye usingachataridzika semunhu, nemhando yese iyoyo yezvinhu. Ini handitongobvumirani nazvo, uye handitendi kuti Bhaibheri rinodarowo zvakare, saka ndinofarira kungova zvatiri chaizvo.

⁸⁷ Cherechedzai, zvino, kana asina nzara dzeminwe, uye achida kuisa dzimwe; kana asina mazino, uye achida mamwe; hauna ruoko, uye uchida rumwe; usina bvudzi, uye uchida rimwe; iwe hauna zvinhu izvi, izvozvo zvakasiyana. Asi paunodzura mazino ako akanaka chaiwo, nekuti haana kunyatsoita machena sezvaanofanira kunge ari, zvino waita zvakaipa. Kana uine bvudzi dzvuku, uye uchida dema, woenda zasi uku woripenda dema, nekuda kwekungoti; waita zvakaipa. Hongu, ndinofunga kudaro. Asi chinhu chikuru...Hakuna Gwaro razvo. Bedzi, rekugera bvudzi rako, pane Gwaro razvo, hongu, tine akawanda nezvazvo, saka zvino tinoda kuva nechokwadi chekuti ndizvozvo, zvino.

⁸⁸ Zvino, hanzvadzi yedu, mukurota, vakarota kuti vaka... Zvino, kutanga, vakakanganisika. “Zvinobatsirei kuenderera mberi, uye kuyedza kushingaira nemuhupenyu, kana Mwari vachida kuti tigamuchire Mweya Mutsvene uye tisina iWo?” Zvino, handifungi...

⁸⁹ Vanogona kunge vachitepa izvi. Asi kana vakasadaro... Kana vakadaro, ndezvechechi chete. Maona? Zvino, kana imwe hama ikabata izvi, uye monzwa inzwi rangu, hama, pane izvi, rangarirai, ndiri kungodzidzisa kuchechi yangu. Imi nguva dzose, pamberi peungano yenu, ongororai ma—matepi, uye kana musingadi kuti ungano yenu ianzwe, musavarege vachianzwa. Asi ndiri kungoyedza kutaura kuboka diki iri pano, iro—iro Hama Neville neni, kubudikidza neMweya Mutsvene, tiri kuedza ku—kufudza uye kuvadzidzisa.

⁹⁰ Zvino, pane zvime zvezvinhu izvi zvamungasabvumirana nazvo zvachose. Saka kana zviripo, sezvandaigara ndichitaura nezvekudya huku yakafuraiwa, “Paunosvika pabhonzo, haurase huku yacho. Unorasa bhonzo.” Saka nguva dzose ita izvozvo. “Kudya payi yecherry, uye ukarumira mhodzi, haungarase payi yacho. Unongorasa mhodzi yacho.” Saka itai zvime chete mukuteerera kune Izvi.

⁹¹ Zvino, ndi—ndinotenda kuti—kuti chi—chikonzero chekuti kune nyonganyonga yakawandisa nhasi uno, pamusoro peMweya Mutsvene, hazvisi kudzidziswa nemazvo. Ndinotenda kuti rubhabhatidzo rwunodzidziswa...zvino kungoti “rubhabhatidzo.”

⁹² Asi zvino zvakaita sezvaunotaura kuti “motokari.” Asi zvino ndine vanamakanika vakati wandei muchechi ino, uye handina chinhu 1 chandinoziva nezvazvo. Saka kana ndikakanganisa,

hama, ndiri... Rangarirai, handisi makanika. Panofanira kuva nemakoiri, nemapuragi, nemapoinzi, nemavharuvhu, nezvimwe zvose, zvinogadzira motokari.

⁹³ Zvino paunotaura nezverubhabhatidzo rweMweya Mutsvene, pane zvakawanda zvinofambiranana Wo. Huh? Maona? Pane zvakawanda zvinofambiranana Wo. Uye hezvinoi zvandinofunga kuti Mwari vari kuratidza: Mweya Mutsvene uri pano. Maona?

⁹⁴ Zvino, Petro akati, kutanga, "Kutenda." Zvino nyatsozvitarisisai zvino. Tichazvidzidzisa kwemaminitsi mashoma. Kutenda, zvino, ndiko kwekutanga kwako. Uye wedzera pakutenda kwako, simba; kusimba rako, zivo; kuzivo yako, kuzvidzora; pakuzvidzora kwako, kutsungirira; pakutsungirira kwako, humwari; pahumwari hwako, rudo kuhama, mutsa kuhama; uye kwochitevera rudo. Zvino chero ani zvake anoziva kuti rudo ndiMwari. "Mwari rudo." Maona?

⁹⁵ Zvino, izvo zvino, kubva pane izvi, uyezve tichizviunza mumazera 7 ekereke. Mwari vari kuvaka, mumazera 7 ekereke, Mwenga waKristu; nemuFiradherfia, Tiatira, nePergamo, neSmirna, neEfeso. Zera rekereke, iro Jesu akati, "Kana—kana Chikomba chakasvika munguva yokutanga kana nenguva yechinomwe, mhandara dzose idzi dzakamuka." Dzakanga dziri. Dzakamuka, mhandara dzemuEfeso, Smirna, Pergamo, Tiatira, Sardis, Firadherfia, neRaodikia. Makazvicherechedza here izvozvo? Raiva zera rechinomwe, apo paAkauya uye kukamutswa mhandara dziya dzakanga dzakarara. Zvinovaunza nzira yose kubva kumashure kusvikira zasi *kuno*. Maona? Nokuti, mune izvi, mukufamba kwemakore, mazera, Akavaka Mwenga, wakazvarwa uri Mwenga, ukaberekerwa Kristu panyika uri Mwenga. Uye nenzira imwe chete yaAnoberekaya nayo Mwenga uyu, Akaberekava vanhu mumwe nemumwe.

⁹⁶ Zvino ndiri kuisa nheyo pane izvi, kuitira kuti mugoonapo chirotichehanzvadzi pachinenge chichitaurwa.

⁹⁷ Zvino, zvinhu izvi zviri pano zvamazvirokzwazvo zvinofanira kunge zviri muMukristu Mweya Mutsvene usati wambovasimbisa, usati wadzika pamusoro uye zvova chinhuchakazara.

⁹⁸ Zvino, chirotichehanzvadzi yedu zvino. Vainetseka kuti vaive neMweya Mutsvene here kana kuti kwete, pavakarara pasi pamubhedha unopetwa apo murume wavo aiverenga bepa. Zvino vane vana vadiki, sezvandakaita, uye vanogara vachiita ruzha nezvimwe. Uye saka, mune izvi, vakakotsira kweanenge maminetsi 10, kana 15. Zvino vakarota. Uye havana kumbozvinzwisisa, kana kuzvibatanidza zvose, kubva mugore rakapfuura, potse, kusvikira Mharidzo iyi yadzidziswa. Zvino,

pandakanga ndichiIdzidzisa, zvose zvakadzoka kwavari. Zvino vakarota vachinamata.

⁹⁹ Vaifamba pauriri, kutanga, vasati varota, uye vachimonya maoko avo, uye vachifunga, “Ishe, ndine Mweya Mutsvene here? Munogona kundiratidzawo here. Vamwe vanoti, ‘Nokuda kwekuti—kwekuti ndakadanidzira.’ Kana kuti vamwe vakati, ‘Nokuti ndakataura nendimi.’ Uye tinotenda mazviri zvose. Asi ndinawo here zvemazvirokwazvo?”

¹⁰⁰ Ndinotenda muzvinhu zvese izvozvo, hunhu ihwohwo, kutaura nendimi, nekudanidzira, nemhando dzose dzekuratidzira. Ndinotenda mune chimwe nechimwe chazvo. Asi kana zviripo pasina *Uyu*, pane chakatsveyama. Maona? Zvino, munona, muri kuonaka, iwe—iwe une chikwande. Cherechedzai.

¹⁰¹ Zvino vainetsea nevvazvo, saka vakangorara nisi pamubhedha unopetwa apo murume wavo aiverenga, ndokubva vakotsira.

¹⁰² Zvino vakarota vari kumusoro mugomo. Uye mugomo iri, zvakakanakisisa... Handina bepa pamberi pangu, asi ndinofunga rakaita sezvizvi. Vakarota kuti vakaona bhokisi re—redombo, rakaita se—rakaita seda—dandira rematanda, rakagara pamusoro chaipo pegomo iri. Zvino murume wavo aingova mumashure mavo chaimo. Zvino vakaona murume muhombe amirepo, akapfeka nhumbi dzebasza, maoko ehembe akakwinya, achikupa mvura yakachenesesa yavati vamboona, uye achidururira mubhokisi iri, bhokisi redombo iri rigere pamusoro pegomo. Zvino bhokisi redombo raisakwanisa kuchengeta mvura. Zvino yakayerera kubva ipapo chaipo, ndokungofashaidza marara ose nevvimiti, nevvose zavaivemo, ndokuzvifashaidzira kunze ndokukunguruka zvichidzika negomo. Zvino zvakakungurukira napamusoro petsoka dzavo, zvino vakanga vakamira chaimo muzvinhu izvozvo, asi kungoti hazvina kunamatira pavari.

¹⁰³ Ndo—ndokubva vabvunza kuti sei bhokisi risima kuichengeta, zvino murume uyu ndokuti, “Iyo haisi mvura. Ndiwo Mweya Mutsvene, uye,” akati, “hapana chinoUbata.” Ndokuti, akabva adzokera ndokutora rimwe bhaketi guru, zvino rakanga rizere nehuchi, ndokudira huchi imomo, akati, “Zvino richachengeta uhwu.” Zvino vakafunga kuti bhokisi racho, raive bhokisi redombo, raizoputika uye rorasira huchi kunze, asi harina kudaro. Pakupedzisira hwakamandana ndokuhuchengeta.

¹⁰⁴ Vakatendeuka ndokudzika mugomo. Vachidzika mugomo, vakamira mujinga megomo ndokutarisa kumashure. Vakaona hova shanu dzemvura iyi yakachena, yekristari, isina kusvibiswa nevvini zvayakanga yapfuura nemazviri, ichiri yakachena uye yakajeka, ichiuya nekukurumidza. Yakabva yatanga

kufamba zvishoma. Zvino, yave kuda kupera, uye vaishaya kuti ichazombosvika kuzasi kwegomo here, hova 5. Ivo ndokumuka.

¹⁰⁵ Ndinofunga kuti zviri pedyo nekuve chaizvoizvo, handizvo here, Hanzvadzi Shepherd?

¹⁰⁶ Zvino, ndisati ndatora tsamba nekuivhura, ndisati ndaiverenga, ndakaona chiroto chavo.

¹⁰⁷ Ndiyo nzira inodudzirwa nayo zviroto. Zvino, vazhinji venyu makauya kwandiri nezviroto, uye—uye mukataura zvinhu kwandiri pamusoro pezviroto. Ndinoti, “Mirai zvishoma. Hamuna kumbozvitura zvese.” Maona? Ndodzokera kumashure ndonozvhinhonga. Zvino kana usingakwanise kutaura zvawarota, unoziva sei kuti dudziro yacho ndeyechokwadi kana kuti kwete? Maona? Unofanirwa, unofanirwa kuona chiroto chacho. Chiratidzo chinofanira kuratidza chiroto chacho. Uye kana waona chiroto chakarotwa nemunhu wachos, uye wogona kuvaudza vasati vakuudza, saka unoziva dudziro yacho.

¹⁰⁸ Zvino, ndinotenda kuti zviri muGwaro, zvakare, Dhanieri, imwe nguva. Zvanga zvisiri izvo here? Akati...Hongu. Ndinotenda kuti ndazongokaruka ndafunga nezvazvo zvino. Maona?

¹⁰⁹ Asi unogara uchiona chiroto, zvino, kana dudziro yacho iri yechokwadi. Munhu akatanga kukuudza chiroto, unogona kungovamisa, woti, “Mirai zvishoma. Uye chaiva *zvakati-zvikati*. Chaiva *zvakati-zvakati*, uyezve *zvakati-zvakati*.”

Uye unobva wati, “Ndizvozvo chaizvo.” Maona?

¹¹⁰ Mumwe murume, rimwe zuva, akanga achiedza kundiudza hope dzaakarota. Akati, “Zvino,” akati... .

Ndikati, “Zvino, hama, sei masiirira chimwe chikamu chiya icho?”

Vakati, “Chimwe chikamu chipi?”

¹¹¹ Ndakati, “Makarota muchipotsera dombo mudenga, ini ndakaripfura ndokuwana rimwe racho rapinda muziso rangu.”

¹¹² Vakati, “Ndicho chokwadi chaicho, Hama Branham.” Uye vakangonhonga chikamu chekupedzisira chacho, nezuro. Uh-huh.

¹¹³ Saka hezvoka izvo. Maona? Maona? Sei? Hautauri chokwadi nezvachos, asi, munoonas, Chinogara chichizozarurazve, izvo, chokuudza chiroto chako, zvawakarota. Unobva waziva kuti ndezvechokwadi.

¹¹⁴ Zvino, heino dudziro yehope yavo. Vakanga vachinetseka pamusoro Mweya Mutsvene. Zvino, zvekuti vakaona bhokisi riri pamusoro pegomo, rakanga riri dombo. Bhokisi redombo, *idombo*, “kupupura.” Zvino, sezvakataurwa naJesu muRugwaro. Akati, Petro akati... “Ndiani,” Jesu akati, “vanhu vanoti Ini, Mwanakomana wemunhu, ndini ani?”

“Mumwe akati ndiMi ‘Eria,’ na ‘Mosesi,’ nevamwe vakadaro.”

Uye Akati, “Asi imi munoti ndiNi Ani?”

Akati, “Ndimi Kristu, Mwanakomana waMwari mupenyu.”

¹¹⁵ Zvino, vamwe vanhu vanoti zvino, chechi yeKatorike inoti, chechi yeRoma Katorike inotaura, kuti yaKe-... “Kuti dombo raivei, rakanzi naJesu, ‘Pamusoro pedombo iri Ndichavakira Chechi yaNgu, uye masuwo egehena haangaiKundi.’ Vakati, “Pakanga pari pana Petro. Uye Petro ndiye aiva dombo iroro, nokuti Petro zvinoreva ‘dombo duku.’ Padombo diki iri Ndichavakira Kereke yaNgu.” Uye pana Petro, ivo, kutsivana kwevaapostora, vakavaka chechi.

¹¹⁶ Zvino chechi yechi Protestanti inoti, “Handizvo. Kuti, paive paAri iye paAkavakira Chechi.”

¹¹⁷ Zvino, kwete kuti ndisabvumirane nazvo, asi, ini, pamaonero angu andinozviita, zvose handizvo. Nokuti, haana kuIvakira pana Petro, kana kuIvakira paAri iYe, asi zviri pachizaruro chaPetro chekuti Aive Ani. Maona?

“Vanhu vanoti, Ini Mwanakomana wemunhu?”

“Ndimi Kristu, Mwanakomana waMwari mupenyu.”

¹¹⁸ “Wakaropafadzwa iwe, Simoni, mwanakomana waJonasi. Nyama neropa hazvina kukuzarurira izvi,” imwewo seminari, munoona, “asi Baba vaNgu vari Kudenga vazvizarura kwauri. Ndiwe Petro. Pamusoro pedombo iri rekupupura, pamusoro pechizaruro ichi, Ndichavakira Kereke yaNgu.”

¹¹⁹ Uye zvange zvakadaro, zera rega-rega rekereke rakava nekupupura kwedombo iroro, kusvika pakupupura kwedombo kuno kweRaodhikia.

¹²⁰ Uye, zvino, haukwanisi kuita chechi tsvene. Hakuna chinhu chakadaro chinonzi kereke tsvene kana sangano dzvene. Mweya Mutsvene unogona kuparidzwa mairi, asi imomo unowana vakanaka nevakaipa, vapanduki, vasina hanya, nezvimwe zvose. Saka sangano harizochegeti. Haugone kuti, “TinaWo. Hapana rimwe remamwe awo ose rinaWo.” Kwete, changamire. Mweya Mutsvene unodururirwa pamunhu. Pamunhu wacho.

¹²¹ Saka, naizvozvo, dombo, Chechi yepentekosti, yemazuva ano ekupedzisira yakagamuchira Mweya Mutsvene, zvavakaita pakutanga. Zvichidzika zasi nemumazera ose, vanogamuchira Mweya Mutsvene, asi kwete nechiyero chavainaWo zvino, nokuti kudzoreredzwa kwezvepakutanga. Tichitora zvigadziko zvemwenje, Arufa naOmega, kuti vakabatidza sei kenduru rekutanga; rakaramba richijeka nakujeka, ndokutanga kudzima richidzima; ndokudzoka zvakare. Maona? Rekutanga nerokpedzisira, nezvimwe zvakadaro.

¹²² Zvino, asi muzera rino rekereke, Mharidzo iri kudururirwa muchechi. Asi mutumbi wekereke, pachawo, pamwe chete se . . .

¹²³ Tabhenakeri ino, tichati. (Ndiko kwavanouya kuchechi.) Tabhenakeri ino haisi tabhenakeri yeMweya Mutsvene. Hakuna chinhu chakadaro. Vanhu mumwe nomumwe vanouya muchechi ino ndivo mataabenakeri eMweya Mutsvene. Ndivo mataabenakeri anogara Mweya Mutsvene, asi kwete chechi mumutumbi, boka. Naizvozvo, Unobudamo.

¹²⁴ Asi, izvo, murume uyu aidira mvura, mutumwa kuchechi, achidurura Mharidzo muchechi, asi mvura yakanga ichiitei? Yaifashaidza kunze marara ose aive mairi. Ndizvo zvinoitwa neMweya Mutsvene, inoafashaidza, zvino.

¹²⁵ Zvino, huchi hwaimiririra rudo rwehamma, mutsa kuhama, rinova zera rino. Ndichangopedza kutaura, munooona, nezvemutsa kuhama, zera ratiri kurarama mariri zvino.

¹²⁶ Zvino, unogona kuti, “Honai, ini—ini—ini zvechokwadi handifariri Hama Neville.” Kana kuti, “Zvechokwadi handifariri Hama Jones. Handifariri Hama *Nhingi-nhingi*,” nezvimwe zvakadaro. Asi rega chimwe chinhu chingoitika kwavari, hama, moyo wako unorwadziwa. Zvotopotsa zvakuuraya. Maona? Tinogona kuwana mutsa kuhama nokunzwirana. Maona? Asi kuchengetedza muboka revanhu . . .

¹²⁷ Sei uine hanya nehama iyo? Nokuti wakamedura chingwa naye pano paartari, sezvauchaita manheru ano. Unoyanana naye. Wakamugwina maoko ake. Unonamata naye. Ihama yako. Zvino anogona kuita chimwe chinhu munyama, chausingabvumirani nacho, nokuti unoita sekungogara zvako, (izvo usingafaniri kuita), asi wosava nechekuita naye zvishoma. Asi mukati pakadzika pemoyo wako, kana chimwe chinhu chikaitika kuhama iyoyo, zvingatopotsa zvakuuraya, kana hanzvadzi iyoyo.

¹²⁸ Ndi—ndiri mutana. Ndakambenge ndiri muduku, uye zvino ndakwegura. Ndakazviona, mukufamba nemuzera, zvichidaro. Unonzwa vanhu vachiti, “Ini hangu handitongovi nechekuita naye zvachose.” Zvino chimwe chinhu choitika kumunhu iyeye, zvinotopotsa zvamuuraya. Anofunga kuti, “O Mwari, ndakarega hama yangu inokosha ichienda, ndisina kuita hushamwari naye.” Maona? Maona? Maona? Rudo kuhama. Rwunoita sekunge harwunamatire, asi rwunonamatira. Huchi, hunonamira.

¹²⁹ Zvino, zvekutoti vakabva ipapo, vachidzika chikomo, kusvika kuzasi kwechikomo, zvino, mvura inobwinya iyi yaiyerera nepamusoro pezvikomo, muhova 5. Zvino, 5 ndiyo nhamba yenyasha; J-e-s-u, k-u-t-e-n-d-a, n-y-a-s-h-a. Maona? 5 ndiyo nhamba yenyasha. Hova 5 dzaiyerera kubva kumusoro kuno pakadzikira, dzichidzika zasi nekuno.

¹³⁰ Rimwe nerimwe remazera aya raive nekupupura ikoko kwedombo. Vatsvene vavete, vakamirira, vakamirira, vakamirira, munoona, zvichienda kusvikira zera rino. Asi ipapo Mweya Mutsvene, uchidururwa kubva muna Kristu, uchauya uye wosimbisa Chechi. Chechi ichabva yabvutwa. Chichange chiri chikamu chaMwari chakazara, Mwenga kuna Kristu, anozova Musoro wezvinhu zvose. Muri kundinzvisisa here zvino? [Ungano inoti, “Ameni.”—Mupepeti]

¹³¹ Zvino, vakanga vachida kuziva. Zvino, muchiroto chavo, vakanga vachida kuziva kuti, “Ko hova duku iyi... Ko hova duku iyi ichazombosvika kuzasi here?” Maona? Yakanga yava kuoma. Zvino, zviri zvekuti, ivo pachavo. Zvino hezvinoi zvandiri kuda kuti musvike kwazviri. Ivo pachavo vaizvibvunza nezvavo ivo. Vakanga here “vaine Mweya Mutsvene”?

¹³² Zvino, ndakanzvenga kutaura izvi, mazuva mashoma apfuura, ndichifunga kuti chechi yaizova muchinhano chemweya zvakakwana kuti izvibate. Uye pamwe zviri nani ndidzime tepi iyi izvozvi, asi nokuti handidi kuti iende pakati pehama. Asi unogona kutaura nendimi, unogona kudanidzira, unogona kutamba, unogona kudzinga madhimoni, kuita chose chaunoda, asi zvakadaro usina Mweya Mutsvene.

¹³³ Ko vadzidzi ivavo havana kudzoka here, vachifara nekudanidzira nokuti madhimoni aiva pasi pavo, uye Jesu... pakati pavo chaipo paiva naJudhasi?

¹³⁴ Jesu haana here kuti, “Nezuva iroro,” paAnouya, kuti, “vazhinji vachauya kwaNdiri uye voti, ‘Ishe, handina kudzinga madhimoni here, uye muZita reNyru ndikaita mabasa makuru?’ Zvino Ndichati, ‘Ibvai kwaNdiri, imi vaiti vezvisakarurama. Handina kukuzivai.’” Zvinhu izvozvo hazvisi zviratidzo zveMweya Mutsvene.

“Muchavaziva nezvibereko zvavo.”

¹³⁵ Zvino munoti, “Hama Branham, tino, tinofanira kutaura nendimi here?” Zvirokwazvo. Ndizvo zvipo zvaMwari. Asi zvipo zvaMwari izvozvo, zvisina hunhu uhwu mazviri, zvinoita chigumbuso kune asingatendi. Hazvigamuchirwi naMwari.

¹³⁶ Izvi zvinofanira kuvapo kutanga. Uye kana uine kutenda, simba, zivo, kuzvidzora, kutsungirira, humwari, nerudo kuhama, ipapo Mweya Mutsvene unoburuka wokusimbisa sedungamunhu, zvimwe chete sezvaUnosimbisa mazera ekereke sechinhu chimwe. Nzira yaAnoita nayo Mwenga waKe ndiyo nzira yaAnoita nayo munhu waKe; akagadzirwa nezvigadzirwa zvimwe chete, saEvha akagadzirwa kubva muna Adhamu, mbabvu yakabva parutivi. *Hezvinoi* zvinhu zvaunofanira kuva nazvo kutanga. Haugone kuzvitevedzera. Haugone kuzvitevedzera. Zvinofanira kuva zvakatumwa naMwari uye zvakazvarwa naMwari. Kutevedzera kunongokonzera nyonganiso.

¹³⁷ Zvakaita sezvandataura. Ungafungidzira here uchiona nyamudzura yakagara apo nemunhenga wenjiva wakanamirwa mumapapiro ayo, yoti, “Honai, ndiri njiva!” Haisi njiva. Ndinyamudzura, gora. Ungafungidzira here shiri nhema ine munhenga wepikoko mumapapiro ayo, uye ichiti, “Honai!”? Ndechimwe chinhu chayakanamatidza.

¹³⁸ Asi zvinofanira kubva mukati zvichienda kunze, zvino zvinobereka Chikristu; Mwari, nesimba reMweya Mutsvene!

¹³⁹ Hanzvadzi yedu yakanga yava nemakumbo ayo atota pavakasvika kuzasi. Tese tinoziva Hanzvadzi Shepherd kuva vanobatsira vanoshaya. Imba yavo yakazaruka. Ivo nehamu, handina basa kana muritairi, mupemhi, chero zvaari, vanomupa zvokudya, voita zvose zvavanogona kumubatsira. Ooh! Mwari vakazvigamuchira izvozvo, chikamu chenheyo yavo.

¹⁴⁰ Uye hezvinoi, zvino, torai chidzidzo ichi. Hezvinoi izvo zvisina kunaka ne—ne...Ndinobatidzira izvi. Hezvinoi zvisisina kunaka neBranham Tabhenakeri. Munoona, kune mhando mbiri dzakasiyana dzekutenda. Kune mhando mbiri dzakasiyana dzesimba, sezvandakave nazvo rimwe zuva. Mhando mbiri dzakasiyana dzezivo. Mhando mbiri dzakasiyana dzekuzvidzora.

¹⁴¹ Mumwe anofunga kuti kudziviswa, kwavanako. Haisiriyo mhando yekuzvidzora uko Mwari vari kutaura nezvako. Ndeidzo hasha dzisina humwari, dzisingadzoreki dzauinadzo, uye nezvihu zvedivi iroro, kurafurana, kukakavara.

¹⁴² Kutsungirira, nezvimwe zvakadaro, pane zvenhema kwazviri, kunyepedzera kuva; kutenda kwekuzvarwa nako; simba rekuzvarwa naro. Pane kuzvidzora kwekuzvarwa nako. Zvinhu zvose izvi unozvarwa uinazvo.

¹⁴³ Uye chikamu chikuru chekutenda kwedu ndiko kutenda kwefungwa. Nokunzwa Shoko, kunotisvitsa pakucherechedza Mwari nepfungwa.

¹⁴⁴ Asi kana Uku, kuchibva Kumusoro, oo, hama, kana Kukangobata *uku*, pane kutenda kwepamweya kwehumwari. Zvino kutenda ikoko kunoitei? Kutenda ikoko kunocherechedza Shoko chete. Hazvinei kuti chii chimwe chingati chii, kunongocherechedza Shoko chete, nokuti, “Pakutanga Shoko rakanga riripo, uye Shoko rakanga riri kuna Mwari, uye Shoko rakanga riri Mwari.” Zvino Shoko richiri Mwari. “Uye Shoko rakazova nyama rikagara pakati pedu.” Zvino kana Shoko pachaRo richidurura mukutenda kwedu, kutenda kwedu kwefungwa kanova chizaruro chemweya.

¹⁴⁵ “Uye panheyo iyi Ndichavakira Kereke yaNgu.” Maona? Kwete pamaonero epfungwa ekujoinha chechi, maonero epfungwa aZvo; asi pachizaruro, kana hova idzodzo dzenyasha dzadururwa mukutenda kwefungwa ikoko kwaunako. Zvino, pamusoro peichi, chizaruro chemweya, “Ndichavakira

Chechi yaNgu, uye masuwo egehena haangaIkunde.” Maona? Zvinoratidza kuti achapesana naYo, asi haambokundi. Oo, chinhu chinobwinya kwazvo! Zvino chiona kutenda. Hova shanu idzi...

Ndakanga ndine chimedu chechoko pano, asi ndinofungidzira kuti haana kumboibuditsa.

¹⁴⁶ Asi hova 5 dzaunoona dzichidzika neumu, dzinosimbisa *izvi* pamwe chete. Waiva Mweya Mutsvene wakagadzira kereke yeEfeso. Waiva Mweya Mutsvene wakabereka kereke yeSmirna. Mweya Mutsvene wakapa kereke yePergamo, nekereke yeTiatiira, muMazera eRima. Mweya Mutsvene ndiwo wakavaka Mwenga iwoyo, Vasanangurwa vakabuditswa kubva muhurongwa hwese hwemasangano zvichidzika nemumazera, saizvozvo. Pane Vasanangurwa, Mwenga waJesu Kristu wakafanotemerwa, uyo Mweya Mutsvene wakadana Vasanangurwa. Uye wanga uri Mweya Mutsvene muzera *rino*, zera *iro*, zera *iro*, *iro*, *iro*, *iro*, *iro*, zvichienda kukwira kumusoro, Mweya Mutsvene.

¹⁴⁷ Uye zvino semumunhu mumwe nemumwe, hunhu uhu nezvinhu, ndihwo zivo nekuvezidzora, zvinowedzerwa pakutenda kwedu. Zvino kana Dombo rechiruvi rauya, Mweya Mutsvene unoZvibatanidza pamwe chete. Hero rubhabhatidzo rweMweya Mutsvene. Ndosaka rwusingawanike zvakanyanya nhasi.

¹⁴⁸ Ndinoona pano, ndine zvimwe zvinyorwa zvandanyora pasi apa. Ngationei. Ndanga ndine mufananidzo wakadhirowewa pano, wehope dzavo. Maona? Hamugone kuuona kubva apo.

¹⁴⁹ Zvino, kubva paMweya Mutsvene, chii chinouya? Zvino Achakupa, kutenda kwepamweya, kutenda kwepamweya, iko kuri pazasi *apa*. Zvino kutenda kwepamweya ikoko kunocherechedza Shoko chete. Zvisinei nezvinotaurwa nachero ani zvake, hazvina—hazvina zvazvinobatsira. Ikoko kunoziva chete Shoko. Kana mumwe munhu akati, “Mazuva ezhishamiso akapfuura.” Kutenda ikoko kunoziva bedzi Shoko. Mumwe munhu anoti, “Hakuna chinhu chakadaro chinonzi rubhabhatidzo rweMweya Mutsvene.” Kutenda ikoko chete kunoziva bedzi Shoko. Ndiko kutenda chaiko, kwepamweya, munoonaa. Ndizvozvo. Maona? Kunoziva chete Shoko.

¹⁵⁰ Zvino, ndiyo yaiva nhamba 1. Nhamba 1, inouya kwauri, kutenda kwako kwepfungwa kuri apa chaipo, kwozouya Mweya Mutsvene uchidzika mukutenda kwako kwepfungwa, uchikuita kutenda kwepamweya. Zvino kutenda kwepamweya kunocherechedza chete Shoko.

¹⁵¹ Zvino, uye nhamba 2, 3. Unobva wava newepamweya, uchiva une Mweya Mutsvene, uye uchasimbisa zvinhu zvose *izvi* mauri, apo Mweya Mutsvene iwoyo uchifukidzira *izvi*. Kubva pakutenda kwako, kusvika kumusoro kuMweya Mutsvene, unokusimbisa muna Kristu. Zvino unobva ava Mumwe. Ameni.

(Bvisa chinhu ichi kubva munzira yangu; chiri kuremera maoko ako.) Unova mumwe. Munoona, iwe naKristu munogara pamwe chete. “Nezuva iroro muchaziva kuti Ndiri muna Baba, Baba vari maNdiri; Ini mamuri, uye imi muri maNdiri.” Maona? Zvino ndicho chinhu chakasimbisa chaIshe Mwari.

¹⁵² Zvino, uye vanobva vasimbisa nekugadzwa. Kana nguva iyoyo yaitika, vanova vanakomana nevanasikana vaMwari vakasimbisa.

¹⁵³ Munorangarira here, muBhuku raMateo, chitsauko 17, ndima 1 kusvika 5, Jesu ari paGomo Rekushandurwa?

¹⁵⁴ Makanzwa *Munzwei Iye*. Mharidzo yandakangobva, kuparidza, pano rinenge gore rapfuura, yakakurumbira, *Munzwei Iye*. Kugadzwa kwemwanakomana, muna VaEfeso 1:5 zvakare, “Mwari vakafanotitemera kuti tigadzwe sevanakomana.”

¹⁵⁵ Munoona, mhuri, kana mwanakomana azvarwa mairi, anenge ari mwanakomana zvino. Asi mwanakomana iyeye aiva nevadzidzisi vaimurera. Uye kana mwanakomana iyeye asina ku—kuzombova mhando kwayo yemwanakomana, haaizombova mugari wenhaka. Asi kana aiva mwanakomana chaiye, uye mwanakomana aiteerera baba vake, zvino mwanakomana iyeye aizogadzwa, kana kuiswa panzvimbo. Anova mugari wenhaka yeizvo zvaiva nababa.

¹⁵⁶ Uye ndizvo zvakanga zvichiipta naMwari paGomo Rekushandurwa. PaVakatora Mwanakomana waVo Vomene, mushure mekunge Aratidza kuva Mwanakomana chaiye, munoono, uye akange amira pane miyedzo yose, VakaMukwidza paGomo Rekushandurwa ndokuMufukidzira.

¹⁵⁷ Munoziva, muTestamende Yekare, vaitora mwanakomana, vomupfekedza nguwo yakanaka, kwazvo, zvino vomumisa pamberi pechaunga. Zvino vaive nememberero yekuisa panzvimbo, kana kuti tinokudaidza kuti kugadza. Muna VaGaratia imomo, ndinoita sokufunga kuti Pauro anoreva nezvazvo sekugadza vanakomana. Zvino, asi, kugadza mwanakomana, vashumiri vachanzwisia, nevaverengi veBhaibheri, vemweya, pakugadza mwanakomana uyu. Nemamwe mashoko, mwanakomana akanga ari mwanakomana paakaberekwa.

¹⁵⁸ Ipapo ndipo apo vanhu vedu vePentekosti vakakanganisa. Kuzvarirwa mumhuri, neMweya Mutsvene, ndizvozvo, asi zvino tinofanira kuva mhando chaiyo yevana, vakadzidziswa neMudzidzisi chaiye. Maona?

¹⁵⁹ Zvino, kana murume, kumashure muzera rekare, akafunga nezvemwanakomana wake, achida kuti ave mhando kwayo yemwanakomana, aiwana mudzidzisi akanakisisa waaigona kutsvaga, mudzidzisi akanakisisa, nokuti aida kuti

mwanakomana wake azokura kuti azove sababa vake. Maona? Saka aiwana mudzidzisi akakodzera.

¹⁶⁰ Zvino, kana munhu panyika aizofunga nezmudzidzisi akanakisisa, ko Mwari, Baba vedu? Zvino, haVana kumbotora mabhishoppi, nemakadhinari, nevaprisita. Vakatora Mweya Mutsvene kuti uve Mudzidzisi wedu. Zvino Mweya Mutsvene ndiye Mudzidzisi wedu. Uye Iwo—Iwo Uri muChechi, uye Unoendesa shoko kuna Baba.

¹⁶¹ Uye zvakare ko kana baba, kana, mudzidzisi akauya akati, “Zvino, Baba...” Zvino, haasi kuzotora imwe mhando yemudzidzisi anoda kuzviwanira nyembe, munoziva, munhenga, tinoudaidza kudaro. Oti, “Oo, kana ndikaudza baba chimwe chinhu nezve... Mukomana mudiki iyeye indururani, zvakadaro, asi kana ndi—kana ndikaudza baba, baba vangandiwedzera muhoro.” Handiyo mhando chajyo yemudzidzisi. Mhando kwayo yemudzidzisi yakatendeka, inotaura chokwadi.

¹⁶² Zvino Mweya Mutsvene unotaura Chokwadi kana Wauya pamberi paMwari, zvatiri. Hongu. Saka Unouya kumusoro. Unofungei? Waizonyara nhasi kuti, “Vanasilana veNyvose vari kugera bvudzi ravo, uye Makavaudza kuti vasadaro. Vanakomana veNyvose vari pfungwa dzemasangano, havatongokwanise kuonerana. Ndizvozvo. Uye vari kutora *ichi seiChi*, uye *ichi seiCho*.” Unofanira kunge uri kunyara kwazvo! Asi Mudzidzisi iyeye angada sei kuuya achiti, “Oo, ini zvangu! Mwanakomana iyeye mwanakomana chaise. Akangofanana naBaba.” Oo, Anoda sei kutaura izvovzo! Maona?

Baba vobva vamisa diti vachidada, voti, “Uyu Mwanakomana waNgu!”

¹⁶³ Ndizvo chaizvo zvakaitwa naMwari paGomo Rekushandurwa. Cherechedzai, pakaonekwa Mosesi naEria. Zvino Petro, achifara zvikuru; chemweya chakange chaitwa. Petro akafara, akati, “Ngativakei matabhenakeri matatu, imwe yeNyvose, uye imwe yaMosesi, uye imwe yaEria.”

¹⁶⁴ Achiri kutaura kudaro, Mwari vakamunyararidza. Vakati, “Uyu ndiye Mwanakomana waNgu anodikanwa Uyo waNdinofadzwa maari. Munzwei Iye.” Maona? Mwari vakaZviisa kumashure, uye, “Uyu ndiye Mwanakomana waNgu.”

¹⁶⁵ Mosesi aimiririra murairo. Vaporofita vaimiririra mutongo waVo. Hatina kugona kurarama nemurairo waVo. Hatina kugona kurarama nemutongo waVo. Handikumbiri mutongo. Ndinoda tsitsi, kwete mutongo. Handigoni kuchengeta murairo waVo, uye handigoni kusangana nekutonga kwaVo. Asi ndinoda tsitsi dzaVo. Uye Mwari vakati murairo nemutongo zvakawaniika maAri. “Ndiye Mwanakomana waNgu anodikanwa. Munzwei Iye. Ndiye Uyo. Ndiye Wacho.”

¹⁶⁶ Zvino, muTestamende Yekare mwanakomana iyeye paakagadzwa, kana kuiswa panzvimbo mumhuri, zita rake pacheki rakange rakangofanana nezvakanga zvakaita rababa vake. Hongu, changamire. Vakanga vasina... Vaiva nerin'i, mazuva iwayo, chi—chiratidzo, chidhindo. Uye vai... [Hama Branham vanoita ruzha rwekupfira mate ndokurova purupiti—Mupepeti] Vaipfira pairi, vodhinda, hechoka chidhindo. Zvakanga zvakangoita se... Aipfeka rin'i yababa vake, chidhindo chavo. Uye chakanga chakangonaka sechababa vake.

¹⁶⁷ Zvino, Jesu paakanga ateerera, Jesu kuna Mwari, Mwari vakaMuisa panzvimbo, "Ndiye Uyu."

¹⁶⁸ Zvino, kana nhengo yazvarwa neMweya Mutsvene mumhuri yaMwari uye aratidza kuti ane hunhu uhwu maari, zvokuti Mwari vanokwanisa kuona simba, zivo, kuzvidzora, kutsungirira, mutsa kuhamma, nehumwari, maari, zvino Mwari vanomuisa chisimbiso, kana kumuisa panzvimbo. Uye, ipapo, ndipo paunoona vanakomana nevanasikana vaMwari.

¹⁶⁹ Zvino, VaEfeso 4:30 inoti, "Musachemedza Mweya Mutsvene waMwari, wamakasimbisa nawo kusvikira paZuva rerudzikunuro rwenyu." Zvino, vamwe venyu imi maBaptisti munoda kuenda pane kuchengetedzwa kweKusingaperi, zvino, kana mukasvika pachinhanko ichocco, ndichamira nemi muchengetedzo yeKusingaperi, kana mukauya panzvimbo iyoyo.

¹⁷⁰ Asi kungotaura kuti, chero ani zvake anoti, "Ndakajoinha chechi yeBaptisti. Ndiri muPresbyterian. Ndine chengetedzo yeKusingaperi." Handizvo. Hupenyu hwako pachezvako humoratidza kuti haunaWo, kusvikira Uyu wavepo.

¹⁷¹ Uye Mwari vakakugadza uye vakakusimbisa neMweya Mutsvene muHumambo hwaVo, saka hapana kubuda mahuri. Wakachengetedzeka Nekusingaperi. Tenda. "Usachemedze Mweya Mutsvene waMwari uyo iwe zvese nehunhu hwako wehumwari zvakasimbisa kusvika paZuva rerudzikingu."

¹⁷² Ndinotenda kuti kune Mwenga wakafanotemerwa. Ndinotenda kuti Mwari vakati Vachava ne "Chechi isina gwapa kana kuunyana." Ndinotenda mukufanotemerwa, kuti Mwenga wakafanotemerwa. Unofanira kuvaPo. Ndinovimba kuti ndiri pamwe naWo. Kuti, munoona, ndiri pamwe naWo. Zvino zviri kwandiri kuti ndishandire ruponeso rwangu ndimene naMwari, kusvikira zvinhu *izvi* zvagamuchirwa naMwari, uye ndobva ndasimbisa muHumambo hwaMwari. Hoyoka Mweya Mutsvene. Hayoka mabasa aMwari echokwadi. "Zvakasimbisa kusvika Zuva rerudzikingu."

Ndicho chaise chirote chavo. Ndakafunga kuti chakanga chakanaka.

¹⁷³ Zvino, naizvozvo, paInoita izvozvo, Chechi iyoyo painosvika panzvimbo iyi, kana munhu pachake, Chechi ichange iriPo. Regai ndizvitaure zvakanaka chaizvo kuti muzvibate. Chechi

yakafanotemerwa kuvaPo. Ndinoda kuva pamwe naYo, asi nzira chete yandichava pamwe naYo, kuva chikamu chaYo. Ndinova chikamu chaYo sei? Nekuva maIri. Ndinopinda sei maIri? Nerubhabhatidzo, neMweya mumwe chete. VaKorinte Vokutanga 12, “NoMweya mumwe chete tose tinobhabhatidza muMutumbi 1.” Mutumbi 1; kubhabhatidza maUri.

¹⁷⁴ Asi haugone kunamatidza zvinhu zvidiki izvi, woti, “Ndakataura nendimi. NdakaUwana.” Unoenda kunze uko, uye wakashatirwa, nokutukirira, nokuenderera. Maona? Ndiko kupfekedzera minhenga yepikoko mu—mushiri yejay. Waona? Haugone kuzviita. Hupenyu hwako pachako hunoratidza kuti handizvo.

¹⁷⁵ Asi kana zvinhu izvi zviri kushanda mauri, kubudikidza naMwari, ipapo unobva wasimbiswa. Zvino hapana zvekunyepedzera pazviri. Unongori zvaauri. Ndipo apo zviratidzo, zvakakwana, Mweya Mutsvene, mabasa aMwari, zvose, zvinoratidza, nokuti (sei?) iwe naKristu mava 1. Ndinovimba kuti zvanzwisawa. Iwe naKristu munova 1.

¹⁷⁶ Ndanga ndine chimwezve chinhu chandange ndanyora pasi apa, chandange ndichida kufunga nezvacho. Zvinotisvitsa panzvimbo yeHupenyu. Zvino unova...wova neHupenyu Husingaperi.

¹⁷⁷ Zvino, ndine duramazwi rechiGiriki pano, *The Emphatic Diaglott*. Ndakanzvera pane rimwe zuva rimwe shoko.

¹⁷⁸ Zvino, muna Johane 14, kana Johane 3:16, tinoona, imwe nzvimbo inoti, “kuva neHupenyu *husingaperi*.” Imwe nzvimbo inoti, “kuva neHupenyu *hweZiyendanakuenda*.” Asi muchiGiriki, mumhando yechiGiriki... MuchiHebheru, rinoti, “Hupenyu husina magumo.” Mushoko rechiGiriki, rine a-i-n-i-o-a-n.

¹⁷⁹ Rakada kuita sekuti “aeon.” *Aeon* “chikamu” chisingakwanise, inhamba isingakwanisi kuverengeka. Inodarika mamiriyoni, matiririyoni, mabhiriyoni.

¹⁸⁰ Asi iyi iaionios yenguva, Hupenyu hwaZiyendanakuenda. Zvino izwi reChirungu raro ndiZiyendanakuenda. Tinoriziva saZiyendanakuenda, *aionios*, kana kuti “Hupenyu husina magumo.” Maona? Uye kana uine Hupenyu husina magumo, ungaparara sei? Wava chikamu chaZiyendanakuenda. Uye pane chinhu chimwe chete chaZiyendanakuenda.

¹⁸¹ Satani haasi waZiyendanakuenda. Kwete. Iye—iye akazova Satani. Gehena harisi raZiyendanakuenda. Gehena rakasikwa. Harisi raZiyendanakuenda. Uye mitumbi iyi haisi yaZiyendanakuenda. Yakasikwa.

¹⁸² Asi Mweya waMwari ndewaZiyendanakuenda. Hauna kumbobvira wakava nemavambo, kana kuti haUna kumbobvira wakava nemagumo. Uye nzira chete yatinogona kuwana

Hupenyu Husingaperi, kubva paizwi riya rechiGiriki, *Zoe*, rinoureka kuti, "Hupenyu hwaMwari pachavo," tine, tinova chikamu chaMwari patinova vanakomana nevanasikana vaMwari, uye tine Hupenyu hweaionios. Saka chikamu ichocho chinorarama, isu, vanocherechedza Shoko iri, kubva *pano* kuenda *ikoko*, vanocherechedza, ndivo Hupenyu hweaionios, "Hupenyu husina magumo." Ndihwo Hupenyu hwaMwari pachaVo huri matiri. Ameni. Fiyuu!

¹⁸³ Rimwe zuva, parwendo, ndakava nehurukuro, neweJehovah Witness. Zvino, ndisingazvidzi kutenda kwechero munhu. Tine vazhinji vavo vakanendeuka vagere pano, vakabva kuJehovah Witness. Mumwe wematirasitii edu echechi akanga ari muJehovah Witness, *aiva*, uye akaponeswa, iye nemhuri yake. Baba vake vaiva muverengi; Hama Wood nevamwe. Vakoma vavo vose nehanzvadzi zvino, potse vose vakapinda, vakagamuchira Mweya Mutsvene, nokuda kwezviratidzo zvalMwari zvakavaudza zvakavaita. Uye neizvo ivo... Maona? Zvakabva zvapedza nyaya yacho.

¹⁸⁴ Zvino, asi pano, veJehovah Witness mubhuku ravo, rinotaura kuti mwuya waunofema ndiye munhu wemukati. Zvino, hazvigoni kuva saizvozvo. Mweya waunofema hausi munhu wemukati. Kana uri iwo, uri—uri imwe nguva uri imwe mhando yemunhu wemukati, nguva inotevera uri mumwewo munhu, afema mwuya iwoyo. Tarisa kwaunezenge uri. Zvino, mwuya imhepo, uye mhepo ndiyo yaunofema mumhino dzako.

¹⁸⁵ Zvino, vanotora Gwaro kubva kumashure, "Zvino Mwari vakafemera Mweya mumhino dzake, uye akava munhu wemukati anorarama." Zvino, ndinoda kukubvunzai chimwe chinhu. Kana dai aive munhu, imhandoi yemweya waaifema Mwari vasati vafemera Mweya waVo weHupenyu maari? Maona? Imhandoi yemweya? Akanga ari munhu anofema, anorarama. Saka, zvino, kana zvirizvo, saka mhuka yose munhu wemukati anorarama, nokuti dzinofema mwuya wemunhu, nemweya wedu, uye zvese pamwe chete. Zvino Jesu haaigona kunge akafa. Chibayiro chemhuka chingadai chiri chakakwana. Maona? Saka, hama, nharo dzacho hapana padziri.

¹⁸⁶ Asi zvakaitwa naMwari, Vakafemera Mweya weHupenyu Husingaperi, ameni, akabva ava munhu wemukati anorarama, munhu wemukati asingagoni kufa. Zvino tarisai zvino. Tava kupinda muhuchi, kusvika kumagokora enyu chaiko. Cherechedzai. "Vakafemera Mweya weHupenyu Husingaperi mumhino dzake, zvino akava munhu wemukati waZiyendanakuenda." Nokuti, Mwari vakafemera, kwete zvakaitwa nezvisikwa, asi zvakaitwa naMwari, vakafemera Mweya weHupenyu mumhino dzake, uye akava munhu wemukati anorarama.

Wobva wati kwandiri, "Adhamu akafa, Hama Branham."

¹⁸⁷ Asi rangarirai, Adhama asati afa, aiva negwayana rakamudzakinura. Hareruya! “Avo vaAkafanoziva, Akavadana.” Vakatora gwayana kuti rivadzakinure. Rakanga riri mufananidzo. Adhamu akawa. Zvino gwayana rakapiwa kuitira Adhamu, nokuti nechekare Mweya waMwari waZiyendanakuenda wakanga watova mumhino dzake, zvino akava munhu wemukati anorarama. Akanga ari mwananomana waMwari.

¹⁸⁸ Kwete mweya wake wekufema, sezwi rekuAfrica. Handizive kuti chii izwi rechiGiriki raro, iko zvino. Asi izwi rekuAfrica, ravanodaidza kuti *amoyah*, rinooreva kuti, “mhepo; simba risingaoneki.” Mhuka dzinofema amoyah. Vatadzi vanofema amoyah.

¹⁸⁹ Zvino tingatamburirei Hupenyu Husingaperi, kana huri munhu wemukati waZiyendanakuenda anofemerwa matiri nekufema? Tingatamburirei Hupenyu Husingaperi? Zvinodzoka, hama. Maona? Izvo—izvo—izvozvo hazvigoni kuzviita.

¹⁹⁰ Asi, Mwari, kunyanya pana Adhamu, vakafemera Mweya weHupenyu Husingaperi, zvino akava munhu weZiyendanakuenda pamwe naMwari. Aiva nesimba saMwari. Akanga ari mwari mudiki. Akanga ari mwari wepanyika; kwete Mwari veKudenga, zvino. Mwari wepanyika!

¹⁹¹ Uye rimwe zuva vanakomana vaMwari vachava zvakare vamwari. Jesu akataura kudaro. “Hazvina kunyorwa here mumurairo wenyu, ‘Muri vamwari?’ Zvino kana muchigona kudaidza avo vaVakadaidza kuti mwari, vakashanyirwa naMwari, mungaNdipa mhosva sei, nhai, kana Ndichiti Ndiri Mwanakomana waMwari?” Maona? Zvino tiri kupinda mune chimwe chinhu chakadzama. Zvino tarisai izvi patinozvitsanangura zvakadzika.

¹⁹² Zvino, hevanoi ava. Atori zvino mwananomana waMwari, asi anokanganisa. Anoziva kuti ari kuita zvakaipa. Zvino rangarirai, Adhamu haana kunyengerwa. Bhaibheri rakataura kudaro. Timotio Wokutanga 3. “Adhamu haana kunyengerwa, asi mudzimai ndiye akanyengerwa, akava mukudarika.” Adhamu akafamba naEvha, nokuti akanga ari mudzimai wake.

¹⁹³ Zvimwe chete naKristu, asina kunyengedzwa naSatani, asi akafamba murufu neMwenga. Akaenda kunova neMwenga, kuti Akwanise kudzikinura Chechi.

¹⁹⁴ Adhamu akaziva kuti akanga akanganisa, saka akangobuda naEvha. Maona? Asi paive negwayana rakapiirwa ivo, ravakadzizkinurwa naro.

¹⁹⁵ Zvino makwayana aya, nhasi, akafanozivikanwa naMwari, uye Mwari vakadana, kune Mudzikinuri. “Hapana munhu anogona kuuya kwaNdiri kunze kwekunge Baba vaNgu vamukweva. Uye vose vaNdakapiwa naBaba vachauya kwaNdiri.” Ndizvo here? Saka kune Gwayana rakapihwa,

kubva pamavambo enyika, uko mazita avo akaiswa muBhuku reHupenyu reGwayana. Gwayana rakapihwa, kugadzira nzira yenyasha kuti mumwe nomumwe wavo aende murumuko, Gwayana rakapihwa; Gwayana raAdhamu, zvino cherechedzai, sezvo Adhamu aiva negwayana rakapihwa.

¹⁹⁶ Zvino, ndiyo Chechi nhasi. Handisi kureva che—chechi. Munozivei?

¹⁹⁷ Handitauri izvi kuti ndimhure, uye handireveri kurwadzisa manzwiro echeru munhu. Handisi pano kuti ndiite izvozvo, sezvandatozvitsanangura kare. Ndiri pano kuti ndibatsire, asi zvandiri kuedza kuita...

¹⁹⁸ Munozivei? Chaizvoizvo, makereke aya haasi makereke. Kune Chechi 1 bedzi. Aya makirabhu. Maona? Makirabhu. Ini handina chinhu...Zvakanaka. Asi ndi—ndinoda kuratidza izvozvo kwamuri, mumaminetsi mashoma, kuti angori makirabhu zvavo. Uri wekirabhu yeMethodisti, wekirabhu yePresbyteriani, kana wekirabhu yePentekosti, kana zviri zvakadaro. Hongu, um-hum. Makirabhu! Maona? Haugone... Maona? Machechi chaizvoizvo makirabhu ayo vanhu vane pfungwa imwe chete vanoungana pamwe chete.

¹⁹⁹ Asi Chechi ndeImwe. Uye haugone kujoinha Chechi. Unozvarirwa maIri. Uye kana wazvarwa maIri, unova nhengo yaYo.

²⁰⁰ Sezvakangoita mhuri yangu. Ndanga ndiri mumhuri yekwaBranham kwemakore 53. Havana kumbondikumbira kuti ndijoinhe mhuri yacho. Sei? Handifanire kujoinha mhuri yacho. Ndakazvarwa ndiri muBranham.

²⁰¹ Zvino unozvarirwa muChechi. Zvino, mamwe aya makirabhu. Makambofunga nezvazvo here? Hongu, changamire.

²⁰² Rimwe zuva ndaicheka huswa, uye ndaifunga nezve, zvino, "Chechi tsvene huru yeKatorike," vanoidaidza kudaro. Ndaienda hangu mberi saizvozvo, ndichicheka huswa.

²⁰³ Zvino chimwe Chinhu chakandimisa, zvakasimba kudaro, chikati, "Usadaidze iyoyo Izvozvo." Ndakatarisa-tarisa. Ndakatanga kuenda mberi nekucheka huswa. Zvakare Chakandimisa, chikati, "Usavadaidza Izvozvo." Chikati, "Ivo ikitirabhu, semamwe. Havasi Chechi. Kune Chechi 1." Maona? Ivo inhengo dzekirabhu, nekuti unogona kujoinha kirabhu. Asi haugone kujoinha Chechi. Chechi, unozvarirwa maIri. Unova nhengo yaYo neKuberekwa patsva, wozova nhengo yeMhuri, hama kana hanzvadzi maIri.

²⁰⁴ Zvino regai ndingokuverengerai kubva mu*The Emphatic Diaglott* pano, chimwe chinhu, chaZvakazarurwa 17:3, uye neApocalypse ye*The Emphatic Diaglott* pano. Zvino chingotarisai izvi, kuti izvi zvinoverengwa sei, uye kuti zvinongoenderana zvakanakisa sei—sei nazvo. Zvakazarurwa

16, 17. Zvakanaka. Zvino ngativerengei pano kwechinguvana. Teererai kune izvi, zvakanyatsonaka, Zvakazarurwa 17:3.

*Zvino mumwe weVatumwa VAYA VANOMWE vane...
Ndiro NOMWE akauya akataura kwandiri,...*

²⁰⁵ Ndiri kukuverengerai, kubva mu*The Lexicon*. “Aine...”

... “*Huya, ndikuratidze KUTONGWA kwemHOMBWE IYA HURU*, igere pamusoro *peMvura Zhinji*;

²⁰⁶ Zvino isu tese tinoziva kuti iVatican. Pano tine *Our Sunday Visitor* umo, rino bva kuchechi yeKatorike, richitiudza chaizvo zvairi. Maona?

²⁰⁷ Zvino mhinduro iyi kwazviri, rakati, “Asi chimbomira zvishoma.” Rikati, “Kwakave kune marudzi ese emazita,” rikati, “angaita 666.”

Ndikati, “Asi chimbomira zvishoma.”

Ndokuti, “Zita rako rinogona kuita 600...”

²⁰⁸ “Asi,” ndakati, “Handigari pazvikomo 7, ndichitonga pasi rose, zvakadaro, unoona.” Uh-huh! Maona? Ndizvozvo. Maona?

²⁰⁹ [Hama Branham vanoverenga Zvakazarurwa 17:1 kubva mu*The Emphatic Diaglott—Mupepeti*]

... *kukuratidza KUTONGWA kwemHOMBWE HURU*, inogara pamusoro *peMvura Zhinji*;

²¹⁰ *Mvura*, Zvakazarurwa 17:15, ndizvo “huwandum nemhomho yevanhu.” Maona?

*MADZIMAMBO ENYIKA akaita hupombwe naye, uye VAGARI
VENYIKA vakadhakiswa newAINI ye... HUPFEVE hwake.*

²¹¹ Zvino chii?

Zvino wakanditungamira, muMweya, muGwenga;...

²¹² *The Emphatic Diaglott* zvino. Maona?

... *ndikaona Mukadzi agere pamusoro peChikara cheruvara rwutsvuku, chizere nemazita Anomhura*,...

²¹³ Zvino, muKing James, rinoti, “chizere nemazita ekumhura.” Chimbomirai zvishoma, uye ndichazviwana pano, muchinguvana. Zvakazarurwa, 3. Zvakanaka, heinoi iyi. Zvakanaka. Zvakazarurwa, ndanga ndichireva 17, kwete 7; 17, zvino teererai pandima 3.

Zvino wakanditakura kurenje mumweya: *ndikaona mukadzi agere pachikara cheruvara rwutsvuku, chizere namazita okumhura*,...

²¹⁴ Ndiyo nzira yazvakapihwa nayo neChirungu. Asi Giriki yepamavambo kubva mu*The Diaglott* inozviverenga sekudai, muna Zvakazarurwa 17:3. Teererai.

*Zvino wakanditungamira, muMweya, muGwenga;
ndikaona Mukadzi agere pamusoro peChikara—*

*Chikara cheruvara rwutsvuku, chizere nemazita
Anomhura, . . .*

²¹⁵ Izvozvo zvakasiyana zvakanyanya, kubva pakuti “mazita ekumhura” nekuti “mazita anomhura.” Chii ichocho? Uye isu . . . Zvino, aive:

. . . MAI VEMHOMBWE . . .

²¹⁶ Tose tinozviviza izvozvo. Asi chii ichocho? [Imwe hama inoti, “Chechi yeRoma Katorike.”—Mupepeti] Haufaniri kuva . . . Saka, ndizvozvo, zvingatotorera chechi yeRoma Katorike. Asi iyo “izere nemazita anomhura,” Methodisti, Baptisti, Presbyteriani, Lutherani, ese achizvidaidza kuti, “machechi aMwari.” Mazita anomhura! Mutsauko mukuru pakati pe “mazita okumhura” nekuti “mazita anomhura.” Vanozvidaidza kuti, “Chechi yaMwari,” uye achizviratidza pamberi penyika; nemapati emakadhi, nekunwa, nekuvarisa, nesvusvuro dzemuto, nezvimwe zvose, nemhando yese yezvinhu zvinoendeka.

²¹⁷ Kune Chechi imwe bedzi. Unozvarirwa maIri. Haupindi Imomo kusvikira wasukwa muRopa reGwayana uye wasimbisia neMweya Mutsvene.

²¹⁸ Musiyano wakadii pakati pe “mazita okumhura” ne “mazita anomhura.” Muri kuzvibata? [Ungano inoti, “Ameni.”—Mupepeti]

²¹⁹ Ndazvibata mangwanani ano pandanga ndichiverenga pano, izvo . . . Ndichiuya zasi, Chimwe chinhu changondiudza, “Pinda mukamuri mako. Tora *The Diaglott.*”

²²⁰ Zvinoka, kungoteerera chete. Ndizvo zvoga. Ndokupinda. Zvino ndasarudza Zvakazarurwa 17. Ndafunga, “Muri kuda kuti ndiverengerei izvi?” Ndatanga kuverenga. [Hama Branham vanoridza minwe yavo—Mupepeti] Nenguva isipi ndasvikapo, “Hezvoka izvo.” Ndatora penzura ndokuzvinyora pasi. Ndikati, “Hezvoka izvo.”

²²¹ Zvino, vanodaiddzira nezvangu ndichibhutsura masangano. Ndiwo mazita iwayo anomhura, anozvidaidza kuti, “makereke aMwari, nemakereke aKristu, nemakereke eMethodisti, nemakereke.” Makirabhu, kwete machechi.

²²² Chechi imwe, ndiyo Chechi yaIshe Jesu Kristu. Uye chimbori Chii? Mutumbi waJesu Kristu wakavanzika uri kushanda panyika, unoumbwa nenhengo yechero ungano idzi, iyo ingava nhengo yoMutumbi waKristu. Unofanirwa kuberekwa maUri, kwete kujoinhiswa maUri.

²²³ Uye kujoinha mazviri, ndiwo mazita anomhura, mudzimai uyu. Mudzimai uyu, simba rake!

²²⁴ Uye munona iko zvino kwavachaendesa vanhu vese vane pfungwa dzisinganzwisisiki maererano nechinamato, uye votumirwa kuAlaska. Makazviona izvozvo. Zvitendwa zvedu zvese zvisinganzwisisike.

²²⁵ Uye chii ichocco? Kanzuru, Mubatanidzwa wemaChechi ePasi Rose uye maKatorike vane musangano wavo mukuru uri kuitwa muVatican zvino, ikoko, uko kwavari kuedza. Uye mabhishopi ose aya, nevamwe vakadaro, vari kuedza kusvika pachibvumirano, kurwisa communism. Nyika ichirwisa communism, uye ichingobatana nechiKatorike.

²²⁶ Zvakangoita sezvazviri nhasi. Hepanoi patiri, sezvandakataura. Tiri... Tasarirwa nepadiki nekubhuroka. Tiri kukwereta, tichishandisa mari zvino, pamitero ichabhadharwa makore 14 kubva nhasi. Ndiko kure kwatasvika. Ndiani ane mari yenyika? Chechi yeKatorike. Yaizokwereteswa sei kuUnited States? Kuchengetedza makambani efodya neehwisiki aya nezvimwe. Zvechokwadi, vachaikwereta kubva kwavari. Kana vadaro, vanotengesa hudangwe hwavo, chaizvoizvo, kuchechi yeRoma Katorike. Tinobatana. Tarisai izvi, zviri pachena, zviri pachena kupfuura kuverenga bepanhau. Hezvinoi izvi. Maona?

²²⁷ Ndivo veMethodist, Baptisti, Presbyteriani, nevamwe vakadaro, vari kuzvidaidza kuti, "Chechi yaMwari." Katorike nemhando yese iyoyo yezvinhu isimba iri rechikara rizere nemazita anomhura. Muchizvidaidza kuti, "Ndiri..." ndakati...

²²⁸ Ndakaenda kuchipatara kuno, kasiri kare, ndaienda kunonamatira mumwe munhu. Ndakati, "Tiri kuda ku..." Vaiva amai vangu. Ndakati, "Tichaisira amai munamato."

Zvino mudzimai akati, "Dhonza keteni iro."

Ndikati, "Ko hamusi Mukristu here?"

Akati, "Tiri maMethodisti isu."

²²⁹ Ndatenda. Ndafunga kuti pamwe manga muri mutendi." Ndakabva ndangodhonza keteni richindipoteredza. Maona? Saka, kana usiri Mukristu, zvakasiyana. Maona?

²³⁰ Asi, "Tiri maMethodisti," kumhura ikoko. Chikara, machechi, anonzi machechi, haasi machechi. Regai ndive nechokwadi chekuti zviri kurekodhwa. Hongu. Haasi machechi. Makirabhu. Vanhu vanoajoinha.

²³¹ Asi haugoni kujoinha Chechi yaMwari mupenyu. Unozvarirwa maIri, nerubhabhatidzo rweMweya Mutsvene. Uye kana wabhabhatidzwa neMweya Mutsvene, hunhu uhwu hunosimbiswa mauri, neMweya Mutsvene, uye naizvozvo, "Uyo akaberekwa naMwari haaiti chivi." "Haakwanise." Hezvoka izvo. Oo, ini zvangu!

Tinongotaura zuva rose, hatingagoni here?

²³² Chechi ndiwo Mutumbi wakavanzika waKristu, wakazvarwa neMweya wakafemwa naMwari. Oooo! Mazvibata here? [Ungano inoti, "Ameni."—Mupepeti] Chechi yaMwari inoberekwa neMweya wakafemwa naMwari. Mwari vakafemera Mweya mumhino, dzaAdhamu, pamweya, uye akava munhu

wemukati anorarama. Munoziva here kuti mapentekosti, kana Chechi yepentekosti yechokwadi, inoberekwa neMweya wakafemwa naMwari?

²³³ Regai ndikuverengerei chimwe chinhu, kwechinguvana nezvazvo. Regai ndione, kwechinguvana chete. Mutsvene Johane, ndinotenda, kwacho kwandiri kuenda. Tichaona kuti Chechi yaMwari iriko here, kana kuti kwete. Mutsvene Johane, ngationei, ndinotenda pangangoita 16, 19; 20. Zvakanaka. Apa ndinotenda kuti tichazviwana, apa chaipo. Zvakanaka. Regai ndikuverengerei, uye toona kana Chechi yakazvarwa neMweya wakafemwa naMwari, kana kuti kwete, sezvakanga zviri Adhamu pamavambo. Tarisai.

Zvino zuva rimwe chetero *madeko*, riri iro zuva *rokutanga revhiki*, *misuwo yapfigwa* uye *vadzidzi* vakaungana *nokutya vaJudha*, Jesu akauya ndokumira *pakati* pavo, ndokuti *kwavari*, *Rugare ngaruve kwamuri*.

Zvino akati areva izvozvo, akaratidza...ivo maoko ake *norutivi rwake*. Apo...Zvino *vadzidzi vakafara*, pavakaona *Ishe*. Uye Jesu...

Ndokubva Jesu atizve *kwavari*, *Rugare ngaruve kwamuri*: Baba sezzavakandituma,...neni *ndinokutumaiwo*.

²³⁴ Tarisai. Baba vakaMutuma vakapinda maAri. Zvino Jesu, kana Atuma mudzidzi, Anopinda maari. Mumwe chete waCho akatuma; Mwari.

Zvino akati areva izvi, akafemera pavari, uye akati...
Gamuchirai Mweya Mutsvene:

²³⁵ Chechi, yakazvarwa neMweya wakafemwa naMwari! Kana chimiro ichi chazviumba kumusoro uko, muchimiro chakanaka, Mweya waMwari unofemera pavari, "Gamuchirai Mweya Mutsvene," zvadaro uri mwanakomana waMwari. Unogona kujoinha chero chaunoda, asi unozaivarwa muChechi yaMwari mupenyu, wakazvarwa neMweya wakafemwa naMwari. Mwari vakafemera pamusoro pavo, uye vakati, "Gamuchirai imi," fiyyuu, "Mweya Mutsvene." Oo, ini zvangu! Hezvoka izvo.

²³⁶ Kwete, "Huya ujoinhe, isa zita rako apo." Uye nesvusvuro dzenyu dzemuto nezvese zvinoenderana nazvo, unojoinha kirabhu. Unogona kujoinha kirabhu yeMethodisti, kirabhu yeBaptisti, kirabhu yePresbyteriani, kirabhu yeKatorike, kana kirabhu yePentekosti, chero chipi chaunoda kujoinha, asi uri kujoinha kirabhu.

²³⁷ Asi kana wava mwana waMwari, unozaivarwa neMweya wakafemwa naMwari. Ameni. Zviri nani kuzvisiya zvakadaro, ipapo chaipo zvino. Zvakanaka.

²³⁸ Hupenyu hwaMwari huri mauriwo zvakare, Jesu akadaro. Mirai zvishoma. Jesu akati, “Ndiri Muzambiringa. Imi muri davi.”

²³⁹ Zvino tarirai. Kunetsana kwavo naJesu kwaiva kwei? Kunetsana kwavo naJesu, nokuti Akanga ari Munhu achiZviita Mwari. Akanga ari Mwari. Mwari vakanga vari muna Kristu. Maona? Uye Akavaudza. Akati, “Uye musatarira iNi. Handisi iNi. NdiBaba vaNgu, uye Vanogara maNdiri.” Oo! Maona?

²⁴⁰ Zvino, vakanga vakatarisa kamutumbi kadiki ikako kakazvarwa naMaria. Maona? Akanga asiri Mwari. Akanga ari Mwanakomana waMwari, asi Mwari vakanga vari muMutumbi iwoyo. Aiva Mwari. Akati, “Kana Ndikasaita mabasa aBaba vaNgu, zvadaro Ndipomerei. Asi ndiani wenuy angaNdipomera mhosva yechivi, kusatenda Shoko? Nderipi Shoko rakataurwa naMwari risina kuzadzikiswa maNdiri?” Chivi kusatenda. “Ndiani wenuy anoNdipomera mhosva yechivi?” Chivi kusatenda. “Ndiratidzei. Kana Ndikasaita mabasa aBaba vaNgu, zvadaro musaNditenda. Asi kana Ndikaita mabasa aNgu... Kunyange musingaNditendi, tendai mabasa aNdinoita, nokuti anopupura.” Neimwe nzira, “Baba vari maNdiri, vachiZvipupurira.” Nekuti, “Mwari vakanga vari muna Kristu, vachiyananisa nyika kwaVari.” Mazvibata here? [Ungano inoti, “Ameni.”—Mupepeti]

²⁴¹ Saka, zvino, Hupenyu humwe chete huri Mudzinde huriwo mudavi. Uchajoinha sei maUri? Hazvigoni.

²⁴² Ndakaona muti nguva pfupi yapfuura, muchivanze chaHama Sharrit muArizona, waive nemichero 9 yakasiyanasiyana yemacitrus pauri. Chaiva chii? Waiva—waive muti wemaranjisi, ranjisi rine guvhу. Asi wakanga uine—wakanga uine re—remani, tanjarini, tanjero, negirepifurutu. Waiva nemhando dzose. Ndakamira, ndikatarisa muti iwoyo. Zvino ndikati, “Hama Sharrit, muri kuda kundiudza here kuti muti uyo muti wemaranjisi?”

Vakati, “Chokwadi.”

²⁴³ Ini ndikati, “Zvinoka, sei? Chirudzii?” Ndakati, “Ndiri kuona mugirepifurutu *apa*, nemutanjarini *apa*, mutanjero *apa*, nemuremani *apa*, nemimwe michero yose iyi. Inouya chirudzii?”

Akati, “Zvino, munoonaa, inonamatidzwapo.”

²⁴⁴ “Oo!” Ndakati, “Zvino, ndinoda kukubvunzai chimwe chinhу. Zvino, munotemha grapefruit iri neremani. Zvino, gore rinouya, uchaita sei? Uchabudapo neorenji kubva ipapo.”

“Oo, kwete.” Vakati, “Uchabuda neremani pauri. Maona?”

“Oo,” ndakati, “ndinokutendai.” Maona?

Haugone kuita izvozvo. Haugone kupinda nokujoinha.

²⁴⁵ “Asi,” vakati, “pese apo muti iwoyo unokura negore uye wobuditsa bazi idzva, unobuda nemaranjisi, kana dzinde pacharo rikabuditsa bazi.”

²⁴⁶ Zvino zvatakaedza kuita kuve nhengo dzakabatana maAri, uye tinorarama pasi pezita reChikristu. Nekuti, tiri, sezvazviri nenzira yamazuva ese yekureva kuti tiri muchero wecitrus, Chechi yeChikristu.

²⁴⁷ Asi kana Dzinde pachaRo rikabuditsa dzinde, rinenge rakafanana neDzinde rekutanga raRakabuditsa. Kana Dzinde rekutanga raRakabuditsa, vakanya Bhuku raMabasa shure kwaRo; kana Rikangoburitsa rimwezve, Rinonyora bhuku remabasa shure kwaRo. Ndizvozvo.

²⁴⁸ Saka, uri kungojoinha makirabhu. Asi kana wazvarwa kubva muDzinde . . . Une muchero. Ndizvozvo. Une muchero, asi unoita sei nawo? “Une mufananidzo wehumwari, asi uchiramba simba racho.” Unoramba zviratidzo. Unoramba zvishamiso. Unoramba Mweya Mutsvene. Unoramba kutaura nendimi. Unoramba zviratidzo. Unoramba zviporofita. Unoramba kupodza. Asi, zvakadaro, “Wozvitumidza zita.” Ndosaka Mweya Mutsvene wakati, “Simba, remapoka evanhу, azere nemazita anomhura, chokwadi, vachizvidaidza kuti, ‘Makristu.’” “Vaine mifananidzo yehumwari, asi vachiramba simba racho. Furatirai vakadaro, nekuti iyi ndiyo mhando inotungamirira vakadzi mapenzi vakaremerwa noruchiva rwakasiyana-siyana.”

²⁴⁹ Mhando dzose dzesangano! Chechi iri kutakurana nezvakawanda, nemhando *iyi* yesosaiti, nemhando *ijo* yesosaiti. Ko sosaiti yaJesu Kristu? Maona? Tine zvimwe zvinhu zvose izvi, uye takaremedza chechi. Zvino hezvoka izvo.

Haufi wakajoinha Chechi.

²⁵⁰ Unojoinha kirabhu. Uri nhengo yekirabhu, yeboka revantu, sezviri kirabhu. “Tinotenda mune *izvi*. Tine hurongwa hwedu. Tine zvakavanzwa zvedu, nezvimwe zvakadaro.” Unoita nenzira imwe chete, kungoti unojoinha inongonziwo chechi zvezita.

²⁵¹ Asi haugone kujoinha Chechi. Wakajoinha kirabhu yenhengo, asi kwete Chechi, nokuti unozvarirwa muChechi iyoyo uye neDzinde pachaRo.

²⁵² Zvino chimbomirai zvishoma. Tarirai. Ndichavhara, mushure mechinguva. Cherechedzai. Ndiregerereiwo. Nda—ndanga ndisingareveri kutaura izvozvo. Tarirai. Tarisai.

²⁵³ Kana Mwari vakabatanidza Mwenga uyu pamwe chete neMweya iwoyo, zvino Unobva wabatanidza munhu wachyo pamwe chete neMweya iwoyo, munoona, zvino unozvarirwa muHumambo ihwohwo. Zvino Hupenyu hwachyo chaihwo hwaiva muChechi *iyi*, huri muChechi *ijo*, ne*Iyo*, *Iyo*, *Iyo*, *Iyo*. Uye Hupenyu chaihwo hwaive muchikwande, Dzinde, Jesu, huri munhengo yaAkabereka. Kubwinya! “Nezvinhu zvimwe chete

zvaNdinoita, mabasa aNdinoita, imi muchaaitawo zvakare.” Heyo nhengo yechokwadi yeMutumbi waKristu, hapana mhando yezita yakanamatidza paUri. Mabasa acho chaiwo emunhu iyeye anoratidza kwaanobva. Hupenyu hwake hunopupura zvaari.

²⁵⁴ “Uri nhengo yei? Uri wemutumbi upi?” Mutumbi waKristu. “Zvinoka, wakaUjoinha kupi?” Handina. Ndakazvarirwa maUri. Maona? Ndakazvarirwa maUri.

²⁵⁵ Haudi kuti uvaudze. Vanoziva zvakaitika. “Iwe, ungabatidza kenduru sei uye woisa dengu pamusoro paro?” Akadaro. Maona? Kwete, kwete.

²⁵⁶ Kana wazvarwa muHumambo hwaMwari ihwohwo, ipapo Hupenyu, Hupenyu chaihwo hwaiva muna Jesu. Zvino unoita hanya nemweya. Zvino hauzoiti zvokugombedzera vanhu, kuuya kuartari. Hauzoiti zvokugombedzera mumwe munhu, kuuya kuzotsvaga pamwe neavo vari paartari. Ehe. Zvi—zvi—zvi—zvinhu zvacho zvinongofamba zvoga, nokuti Wakasimbisirwa mauri. Uri chikamu chaMwari. Wakasimbiswa neMweya Mutsvene.

Zvino unoziva here kuti “Mweya Mutsvene” unorevei?

²⁵⁷ Hazvireve kuti, “Ndakasvetuka uye ndichidanidzira. Ndakava nemamwe manzwiro asinganzwisisike.” Zvose zvakanaka. Ndakasvetuka nokudanidzira, uye ndikava nemanzwiro asinganzwisisiki. “Ndakataura nendimi.” Ndinotenda kuti Mweya Mutsvene unotaura nendimi. Chokwadi. “Ndakadudzira.” Hongu, changamire. Ndinozvitenda izvozvo, zvakare. Asi iZvozvo handizvo. Handizvo zvandiri kutaura nezvavzo. Panogona kuve nekuduza kumusoro uku pane imwe nzvimbo. Panogona kuve nekuduza apa, mukutsungirira kwako.

²⁵⁸ Rega mumwe munhu akurove kune rimwe divi, kumeso, unotendeudzira rimwe racho here? Asi unoti, “Munyengeri uyo ane tsvina!” Zvino pane kuduza, pane imwe nzvimbo, kwaitika. Regai tizvisiye izvozvo zvega. Zvakanaka. Asi munoziva zvandiri kureva.

²⁵⁹ Asi kana wasimbiswa muMutumbi waKristu, unobva wazadzwa neMweya, uye wava mwanakomana waMwari.

²⁶⁰ Oo, ndinoshuva kuti dai ndangova nemaminitsi angangoita 10, kuverenga chimwe chinhu pano. [Ungano inoti, “Endererai zvenyu mberi. Verengai, hama.”—Mupepeti] Asi mungatsungirirawo nenii here mamwe maminetsi 10? [“Hongu.”] Ndinoda kuverenga chimwe chinhu, zvishoma chete. Zvino, zvechokwadi, bhinzi hadzizotsvi. Ndichakuvimbisai, munoona, kana tikangoverenga izvi kwemaminetsi mashoma chete. Zvakangonyanyisa kunaka kuti uzvisiye zvakadaro. Ndine zvinhu zvishoma pano, zvangouya mupfungwa dzangu, zvandinoda kutaura.

²⁶¹ Ngativhurei kuna Mutsvene Johane, chitsauko 3, tichitaura nezveHupenyu Husingaperi. Ngatingoonei zvaRinotaura pano pamusoro pedambudzikoro iri reHupenyu Husingaperi, Hupenyu hwaMwari. Zvino, zvino tarisai apa.

Kwaivapo mumwe wavaFarisei, ainzi Nikodhimo, mukuru wavaJudha:

Mumwe cheteye *akauya naizvozvo* kuna Jesu nousiku, uye akati kwaari, Rabhi, *tinoziva kuti muri mudzidzisi akabva kuna Mwari*:... *hakuna munhu anogona kuita zvishamiso izvi*... *kunze kwekunge Mwari vanaye*.

²⁶² Zvino, ivo, matare iwayo eSanihedrini, akacherechedza kuti Akanga ari Mwanakomana waMwari. Vaizviziva. Heunoi mukuru wavo ari apa chaipo, achiMuudza, “Tinoziva kuti Muri Mudzidzisi anobva kuna Mwari, nokuti Hupenyu chaihwo hwaMwari huri kuyerera nemaMuri.” Maona? “Tinoziva kuti dzidziso yeNyuu haizi yeNyuu pacheNyuu. NdeyaMwari, nokuti Mwari vari kuZvisimbisa.” Maona? “Hupenyu hwaMwari huri kuyerera nemaMuri.” Zvino tarisai.

Jesu akapindura uye akati kwaari, *Zvirokwazvo*,... *ndinoti kwauri*, Kunze kwekunge munhu aberekwa patsva, *haangaoni ushe hwaMwari*.

²⁶³ Oo, ini zvangu! “Kunze kwekunge wajoinha chechi yangu”? Oo! Munoona kuti vanoZvitsautsa sei? Maona? Maona?

Jesu, zvino Jesu akapindura akati, *Zvirokwazvo*, *zvirokwazvo*, *ndinoti kwauri*, Kunze kwekunge munhu aberekwa nemvura ne... *Mweya, haangagoni kupinda muushe hwaMwari*.

Icho chakaberekwa ne...nyama inyama; nechakaberekwa ne... *Mweya mweya*.

Usashamiswa nokuti ndati kwauri, Iwe unofanira kuberekwa patsva.

Mhepo inovhuvhutira kwainodira,... Munoona, yodzoka chaiko zvakare, munoona, ichidzoka, munoona.

Mhepo inovhuvhutira kwainodira,... iwe haukwanisi kunzwa ruzha... unokwanisa kunzwa ruzha rwayo, asi haukwanisi kuziva kwainobva, kana kwainoenda: ndizvo zvakaita mumwe nomumwe... *akaberekwa neMweya*.

Nikodhimo akapindura akati kwaari, *Zvinhu izvi zvingaitika seiko*?

Jesu akapindura ndokuti kwaari, Iwe uri mudzidzisi wavaIsraeri, uye usingazivi zvinhu izvi here?

²⁶⁴ Tarisa ipapo, hama, mumwe—mumwe D.D., Ph.D., vana L vaviri.D., munoona, “Uye usingazive zvinhu izvi?”

Zvirokwazvo, . . . ndinoti kwauri, Tinotaura izvo zvatinoziva, uye tinopupura izvo zvatakaona; asi imi hamugamuchiri huchapupu hwedu.

²⁶⁵ “Tinoziva zvinhu izvi. Takazviona. TinoZviziva, uye hamutombogamuchire huchapupu hwedu.” Uyo akajoinha Chechi! Maona?

Kana ndakakuudzai zvinhu zvepanyika, uye imi mukasatenda, mungagotenda seiko, kana ndikakuudzai . . . zvinhu zvokudenga?

²⁶⁶ Zvino teererai kune izvi pano. Tarisai.

Uye hakuna munhu akakwira kudenga, kunze kwaiye akaburuka kubva kudenga, kunyange Mwanakomana womunhu ari kudenga.

²⁶⁷ Chimbofungaka nezvazvo.

²⁶⁸ Munoziva, imwe nguva, Akati, “Munofungei pamusoro paKristu? Iye Mwanakomana waAni?”

Vakati, “Mwanakomana waDhavhidhi.”

²⁶⁹ Akati, “Zvino sei Dhavhidhi, muMweya, akati kwaAri, ‘Ishe vakati kuna Ishe wangu, ‘Gara Iwe kuruoko rwaNgu rworudyi’?’ Aigona sei kuva Ishe waKe pamwe neMwanakomana waKe?” Hakuna munhu akaMubvunza chero chii zvacho.

²⁷⁰ Muna Zvakazarurwa, Akati, “Ndini Mudzi neMwana waDhavhidhi.” Maona? “Ndiri Dzinde neBazi. Ndini mavambo. Ndaivepo mavambo asati avapo. Ndakanga ndiri mavambo, uye—uye Ndakanga ndiri Mwana waVo, zvakare.”

²⁷¹ Zvino, apa Akati, “Hakuna munhu wakaburuka kubva Kudenga, kunze kweMwanakomana wemunhu ari Kudenga zvino.”

²⁷² Mumwe mudzimai akandibvunza, imwe nguva, mubvunzo. Ndakati, “Ndipindure uyu.”

Ndakati, “Jesu akanyengetera kuna ani, mubindu reGetsemene?”

²⁷³ NdiKati, “Aitura nezvaAni paAkati, ‘Hakuna munhu akakwira Kudenga, kunze kwaiYe wakaburuka kubva Kudenga, kunyange Mwanakomana womunhu ari mu . . . ari zvino Kudenga?’ Ndiani?”

²⁷⁴ Heunoi Uyu, amire apa chaipo pamusoro pedenga reimba, achitaura naNikodhimo, uye akati, “Ndiri Kudenga.” Ndizvo here? Ngatisiye izvozvo kusvika manheru ano. Munoti kudii? [Ungano inoti, “Ameni.”—Mupepeti] Nguva yave kuperesesa. Oo, ini zvangu! Rega ufungisise pamusoro pazvo kwechinguvana, masikati ano.

²⁷⁵ Unopinda sei muChechi? [Ungano inoti, “Kuzvarwa.”—Mupepeti] Kuzvarwa. Nei? Mweya wakafemwa naMwari.

Femerai pandiri, femerai pandiri;
Mweya waMwari mupenyu, femerai pandiri.

²⁷⁶ Ndiwo munamato wangu: ingoregai Mweya Mutsvene ufemere. Oo, ini zvangu! Nokuti, Mweya wakafemwa naMwari, Chii? Ndakasimbiswa muHumambo hwaMwari, ndichiziva kuti, pandakareurura kekutanga, ndinotenda Jesu Kristu. Hongu.

Zvino, paKutenda kwangu, ndinowedzera simba, simba rehumwari.

Zvino pasimba rangu, ndinowedzera zivo yeShoko.

²⁷⁷ Pazivo yangu, ndinowedzera kuzvidzora, kuzvibata. Ndinozvifarira izvozvo. “Nyika yangu ndeyako, pfekedzai mweya wangu nekorona yekuzvidzora, kubva kugungwa kusvika kugungwa rinopenya.” Maona?

²⁷⁸ Kutsungirira. Oo, ini zvangu! Kuyedzwa. Usanetseka; Satani anokuverengera. Ndiri kukwira manera zvino. Maona? Ndawedzera simba, zivo, kuzvidzora, zvino ndinofanira kuwedzera kutsungirira. Handisati ndawana Mweya Mutsvene.

²⁷⁹ Zvino mushure mekunge ndawedzera kutsungirira, ndinowedzera humwari. Unoziva kuti chii ichocco? SaMwari. Ndinowedzera izvozvo. Handizvibate zvisizvo. Unoita sezvinofanira kuitwa nemuchinda weChikristu. Ngazvirege kuva zvekunyepedzera. Chimwe chinhu mandiri, rudo rwaMwari, rwuchingofashaira. Maona? Maona? Kwete kuti, “Uh-uh-uh-uh, vakomana, ndaigona kuzviita, asi zvichida regai ndisazviita.” Maona? Hu-uh. Hu-uh. Zviripo, zvakadaro.

²⁸⁰ Kuzvarwa. Ndakazvarirwa mune *izvi*, mune *izvi*, mune *izvi*, mune *izvi*, mune *izvi*, mune *izvi*. Zvino rudo rwaMwari, Kristu, rwunodzika pasi rwosembisa zvose izvozvo mandiri, kuitira shumiro. Maona?

²⁸¹ Zvino Anoitei kana Andipa Mweya Mutsvene? Anokuisa panzvimbo iri kwayo yega kwauri wega, okuisa chiratidzo. Maona? Wava munhu akasiyana zvino. Hausisiri wenyika, zvakare. Waona? Wakapfeka zvakasiyana. Wakapfeka zvakasiyana. Kwete chipfeko chekunze ichi. Kwete, kwete. Haufanire kuti unge usinganzwisisike nekuva wakasiyana, uye kora yakapindurudzwa, neshumiro refu, tingati. Kwete, kwete. Hauite izvozvo. Unopfeka, panyama, sezvizvi. Chipfeko chemweya ndicho chine basa. Hanzu yomuchato yapfekedzwa pauri. Uri chii?

²⁸² SaJesu, tarisai, Akafukidzwa, uye Akashandurwa ipapo pamberi pavo, uye nguwo dzaKe dzakapenya sezuva. Hapo paAiva, Jesu, Mwari vachigadza Mwanakomana waVo Vomene. Maona? Zvino hapo ndokuya Mosesi. Ipapo ndokuya Eria. Zvino Petro ndokuti, “Munoziva, chi—chinhu chakanaka kuva pano.” Munona kuti munhu anoita sei? Hongu. Oo, chepamweya

chaitwa! Akati, “Ngativakei matabhenakeri matatu. Ngativakei imwe yaMosesi, uye imwe yaEria, uye neimwe yeNyu.”

²⁸³ Zvino asati apedza kutaura, Mwari vakangovhara chinhu chacho chose, ndokuti, “Uyu ndiye Mwanakomana waNgu anodikanwa. Muzvinhu zvose izvi zvaNdaida kuna Mosesi, nokubudisa murayiro kubudikidza naMosesi; mutongo kubudikidza navaporofita; Akaita zvose zvizere. Munzwei Iye. Ndava kusuduruka zvino. IngoMunzwai. IngoMunzwai.” Oo, ini zvangu! Chinhu chakanaka sei!

²⁸⁴ Zvino, kana taita zvinodiwa izvi, uye tazadzwa nehunhu hwaMwari nezvinhu zvaMwari, Mweya Mutsvene unobva waburuka wotisimbisa muHumambo. Usanetseke. Munhu wose achaziva kuti unaWo. Hauzodi kuti utaire kuti, “Zvinoka, Mwari ngavarumbidzwe, ndinoziva kuti ndinaWo. Ndakataura nendimi. Mwari ngavarumbidzwe, ndinoziva kuti ndinaWo. Ndakatamba muMweya imwe nguva.” Hauzodi kuti utaire shoko rimwe pamusoro pazvo. Munhu wose achaziva kuti unaWo. Usanetseka. Hongu. Uchazvipupurira pachaWo. Uchaita kuti zvizivikanwe pakati pevanhu.

²⁸⁵ Mwari vakuropafadzei. Ndinofara kwazvo kuva pano nemi mangwanani ano, kuva nenguva ino yekuyanana. Teererai, chechi yedu idiki, uye zvakadaro hatina nzvimbo inokwana kuitira vanhu vanouya pano. Hatisi sangano. Tinotenda uye tinoyanana nesangano rose. Unongouya pano nekuda kwekuti unoda kuuya. Uye iwe, tinokuda. Uye tinoda sangano rose, munhu wose...

²⁸⁶ Ndinotenda kuti mune vanhu mumasangano ose iwayo vanova Makristu. Ihama nehanzvadzi muna Kristu.

²⁸⁷ Saka, naizvozvo, hatina chimwe chinhu chinotisunga, hapana chekujoinha, hapana chekuita kunze kwekungova Mukristu. SaE. Howard Cadle aisiti, “Hatina murairo kunze kwerudo, hatina bhuku kunze kweBhaibheri, hatina chitendwa kunze kwaKristu.” Ndizvozvo. Huyai mugotishanyira. Tinofara kuzodaro. Tinotenda Vhangeri Rakazara, chikamu chose cheShoko. Tinotenda nenzira yacho chaiyo. Hatiwedzeri chinhu chimwe kwaRiri, kubvisa chero chinhu paRiri, kuwedzera chero chinhu chesangano kwaRiri. TinongoRisiya nenzira yaRiri chaiyo. Ndizvo. Uye tinogara tichifara kukugamuchirai. Huyai kuzova nesu pamunokwanisa. Tinonamatira vanorwara. Tinotenda zvose zvinotaurwa neBhaibheri kuti tiite. Tiri “tichikanganwa hutera hwedu, kumashure, uye tiri kushingairira takananga kunharidzo yeKudanwa kwepamusoro.”

²⁸⁸ Zvino, chimwe chinhu zvakare. Munobvumira here kuti chitaurwe? Marimwezuro mangwanani... Muchazviona pabho—bhodhi kunze uko, chiratidzo. Ndakava nechiratidzo. Dzaive nguva dzingaita 5 o'clock, sekuziva kunoita mudzimai wangu

ari kumashure uko, kana kuti 6. Ndainge ndamuka. Takamuka kugadzirira vana kuti vaende kuchikoro.

²⁸⁹ Ndinongova nazvo, nguva nenguva. Uye mose munoziva, mumwe nomumwe wenyu pano, kuti hazvifi zvakakundika. Izvo, zvakakwana zvamazvirokawazvo. Maona? Hazvimbokundikani.

²⁹⁰ Zvino ndakafunga kuti ndaiva munhu aifara zvikurusa wandati ndamboona. Ndakanga ndakamira muzuva, z-u-v-a, uye ndakanga—uye ndakanga ndichiparidza Evhangeri kuungano yakakura, kwazvo.

²⁹¹ [Hama Branham vanombomira zvishoma—Mupepeti] Ndanga ndichida kuona kana zvanga zviri kutepwa.

²⁹² Ungano hu—huru, kwazvo, zvino vakanga vagere musango. Zvino mirazvo yezuva yakanga ichipenya zasi pavari, pachingova *pano nepapo*, vachiRiwana, vachiwana Shoko.

²⁹³ Uye ini, senguva dzose, ndinogara ndichitora nguva yakarebesa, ndinononokesa, ndinoparidza nguva yakarebesa. Zvino ndakaparidza kwenguva refu kwazvo, kusvikira ungano yava kunzwa nzara yechikafu chepanyama. Uye ivo, vamwe vavo, vakaneta. Saka vakangosimuka, ndokubuda kunozvitsvagira chikafu, ndokutanga kubuda.

Ndikati, “Musadaro. Musadaro.”

²⁹⁴ Ndakanga ndine nhongonya mbiri dzandaida kusvika kwadziri, dzandaida kusvika kwadziri, mumharidzo yangu. Uye Ishe vakanga vaipa kwandiri. Zvino chero muparidzi upi zvake, kana uchinyatsoziva kuti ndimwari vaipa kwauri, unenge uchitsva kuti uudze vanhu.

²⁹⁵ Zvino ndaingoparidza, Charlie, nesimba randaikwanisa kuperidza naro, ndichingo zvitsanangura, munoziva, uye ndoti, “Zvinhu zvose zvikuru izvi, *izvi* zviri kuitwa naMwari. Tarisai *izvi*. Vanonzvera mifungo yemwoyo. Chii ichocco? Shoko.” Ndichitaura saizvozvo. Uye, oo, ndinoshuva kuti dai ndairanganira zvandaitaura uye kuti chidzidzo changu chaive chii. Handikwanise kuchiranganira. Maona? Asi ndaingopfuirira mberi zvangu nekuparidza.

²⁹⁶ Zvino ndaizvitarisa ndichizviita. Uye zve pandaive ndakamira ipapo, ndakatarisa, uye ndichizvitarisa ndichiZviparidza.

²⁹⁷ Zvino ndaingoparidza, kune chero ani zvake. Uye mushure mechinguva, ndakasimuka, munoziva, ndikafunga, “Mwari ngavarumbidzwe!” Ndakati, “Tarirai zvinhu zvinoshamisa izvi, uye *izvi, izvo!*”

²⁹⁸ Mberi chaiko, ndakacherechedza vanhu kuti vakatanga kuita sevakanga vava nenzara yepanyama. Uye saka vakanga vawana zvinokwana zve pamweya, saka vakatanga kufamba vachienda. Zvino vamwe vavo [Hama Branham vanoshama nyai—Mupepeti] ndokutanga kufamba vachienda.

Ndakafunga, “Chii chanetsa nemunhu wese?”

²⁹⁹ Uye—uye ndakatarisa, zvino hepano vamwe vechidiki vakaroorana vachienda, kurutivi rwangu. Ndakafunga... Ndakati, “Chimbomira zvishoma, shamwari! Chimbomira zvishoma! Muchadzoka zvakare kana zuva rarereka.” Maona? Ndakati, “Muchadzoka zvakare. Asi regai ndikupei nhongonya yekutanga iyi. Zvinhu zvose izvi zvinobvepi, zvandakuratidzai? Zvinobva kupi?” Ndakati, “Hezvinoi izvi. Zviri muShoko raMwari. Zviri ZVANZI NAJEHOVHA, vimbiso yaVo. Nekuti,” ndakati, “imi mose munondipupurira, munopupura izvi, kuti kutumwa kwangu ndekwekuti, ‘Gara neShoko.’” Ndakati, “Chiiko chanetsa panemi mose? Hamukwanisi kunzwisia Shoko here? Munofanira kuRinzwisia.”

³⁰⁰ Zvino vamwe vavo vakati, “Imiwee, ndinoda kudya mabhisikiti,” uye nezvimwe saizvozvo.

³⁰¹ Saka, ndakangofunga, “Saka, Mwari ngavarumbidzwe! Kana vachida mabhisikiti, regai vaende zvavo kunoatora.”

³⁰² Saka nda—ndakatendeuka. NdiKafunga, “Oo, asi, munoziva chii? Zuva richarereka, mushure mechinguva, pakarepo.” Ndakati, “Zvino, manheru ano, kana ungano iyoyo yaungana zvakare, ndichavapa nhongonya, uye ndovaudza kuti zvinhu zvavakandiona ndichiita zvinowanikwa muShoko raMwari, kwete mune rimwe bhuku rengano kana rimwe sangano. Zvinowanikwa muShoko. Maona? Zvose hazvo, muShoko, nokuti ndakatumwa kwaRiri.”

³⁰³ Ndakafunga, “Munoziva, vachadzoka, vese, manheru ano, saka hezvino zvandichaita. Ini ndichaisa nheyo, kuita sekuisa nheyo.” Munoziva nzira yandinozviita nayo pamazera ekereke aya nezvimwe, kutaura zvandakambotaura kumashure. “Ndichazviisa nheyo, paShoko, uye kwochitevera nhongonya huru iyi, inoshamisa.” Ndakati, “Ichava nguva yakanakisa! Mwari ngavarumbidzwe!” Zvino ndakazviona ndichiita mudiki chaizvo, ndokunzwa kuti, “Mwari ngavarumbidzwe.” Ndakazviona ndichinyangarika saizvozvo. Zvino hepanoi pandaive, ndakamira ipapo.

³⁰⁴ Zvino, heino dudziro yacho. Maona? Chinhu chekutanga chandakaita, zvinhu zvakaitwa, zvanga zvisinganzwisisike kuvanhu, vazhinji vavo. Handirevi veVhangeri Rakazara uye nevatsvene vaMwari, asi, ndinoreva, muvanhu vazhinji. Uye haumbodi kutarisa nyika, kosmos, selMharidzo yaMwari. Paunoenda uye woti... .

³⁰⁵ Sezvakataurwa naBoze, “Ndagara...” Akati, “Ndakarota hope, makore apfuura, kuti mwa—Mwari vaizonditumira kuChicago ndonozunguza Chicago kuitira mbiri yaMwari.”

Ndakati, “Joseph, Vakatozviita.”

“Handiti,” akati, “havasati vambozunguzwa kubvira pana Moody.”

³⁰⁶ Ndikati, “Izvozvo? Ndiri kutaura pamusoro peChechi. Ayo marara anopiswa kunze uko. Rinongova guruva renyika, boka riya riri kuzadza migwagwa, vanajezebheri vakapendwa nezvose.” Ndikati, “Ndivo vari kunze uko. Makirabhu makuru ekare iwayo nezvinhu zvichawondomoka uye zvwira mumigwagwa imomo.” Ndikati, “Ari kutaura pamusoro peChechi. Chechi yakaona chizaruro chaJesu Kristu achiiswa pachena, uye vanoRicherechedza. Vanogona kunge vasiri 15 kubva muChicago. Panogona kunge pasina 10 muchizvarwa chino, kubva muguta rose reChicago, vanobuda.”

³⁰⁷ Makambofunga nezvazvo here? “Sezvazvakanga zviri mumazuva aNoa, ndizvo zvazvichava paKuuya kweMwanakomana womunhu, apo mweya 8 yakaponeswa.” Uh-huh. Vangani vakabuda muSodhoma? Munoono zvandiri kureva? Ndinopokana vakava chitsama. Maona?

³⁰⁸ Asi Chechi pachaYo yakagamuchira kuzunguzwa. Vakazvicherechedza. Vaiziva Shoko. Vakaona Shoko paRakanga richioneka, uye vakaRibata. Zvino tarisai izvozvo kwechinguvana, zvino.

³⁰⁹ Zvino Mharidzo iyi yekutanga, pavakaIona, munhu wese akaIunganira, akati, “Oo, kubwinya kuna Mwari! Oo, dai ndaigona kuona *izvi*, *izvo*, nezvime.” Zvino vanobva vangoenda, nenzira imwe cheteyo yavanopinda nayo. Maona?

³¹⁰ Uye zvino vanofunga, “Asika, handizivi. Ungajoinha kupi? Kana ndikasauya kune *iyi*, zvichava sezvizvi. Zvino ndichadzingirwa kunze, kuno uku, uye handizowana chinhu *uku*.” Hama dzakagara pasi uye ndokuti, “Zvinoka, ndaizoita sei kana ini...?” Maona ipapo? Havazomira kwenguva yakareba zvakakwana kuti vacherechedze kuti IShoko rakavimbiswa naMwari, riri kuratidzwa. Maona? Zvino vakafamba vachienda.

³¹¹ Asi, musanetseke, kupera kwezuva kwaswedera pedyo, munoona, pandinodzokera kumunda wekuvhangera.

³¹² Munoranganira here, humwe husiku, nezveMharidzo yaVakandipa kumashure uko pandakanga ndichiisa dombo repakona? Chaizvoizvo. Vakati, “Ita basa...” Vakati, “Paunobuda muchiratidzo ichi, verenga Timotio Wechipiri 4.” Munoziva, zvirimo chaimo muibwe repakona, makore 33 akapfuura.

³¹³ Vakati, “Ita basa remuvhangeri, woratidza zvizere shumiro yako. Nokuti nguva ichasvika yavacharamba kuteerera Dzidziso yakarurama; asi pakuchiva kwavo vachaunganidza vadzidzisi, vaine nzeve dzinovavira; votendeuka kubva kungano...kubva paZvokwadi kuenda kungano.” Kana zvisizvo zvakaitika, nemo-nemo chaimo! [Chibenga chisina chinhu patepi—Mupepeti]

³¹⁴ Asi, rangarirai, zvino, humwe husiku, apo ndaive ndisina kumboiverenga yose. Makore 30 neanoraudzira andakaparidza mutabhenakeri ino, handina kana imwe nguva yandakamboenda zvinopfuirira ipapo, uye handizivi kuti sei.

³¹⁵ Ndaiwanzonetseka, kusvikira, rimwe zuva, ndakaona apo Jesu akatora Mupumburu ndokutanga kuverenga, ndokuverenga hafu yechiporofita, ndokumira, akati, imomo muKapenaume, Akati, "Uye nhasi uno, chiporofita ichi chazadzikiswa." Sei Asina kuverenga kumwe kwacho kwose? Kune chekuita neKuuya kwaKe kwechipiri. Maona?

³¹⁶ Zvino ipapo ndakanga ndazviverenga, ndisingazivi. Ndakazvhonga, zvino hezvoka pazvaive, pamberi pang chaipo, kuSouthern Pines, South Carolina. Mangwanani iwayo, ndimire kunze ikoko, ndichitauna naJoseph Boze, ndakazendamira padivi remotokari, Ndakazvibata. [Hama Branham vanoridza minwe yavo—Mupepeti] Pauro akati, "Ini... Vanhu vose vandipandukira. Hakuna munhu akamira nen. Dhemasi akandisiya; achida nyika ino yazvino. Uye ini zvino..." Tarisai. "Uye mupfuri wemhangura akandiitira zvakaipa zvizhinji."

³¹⁷ Tarisai izvo Dhemasi anofanira kunge akafunga: "Handiti, ndakaona Pauro achiparidza Vhangeri pamwe nekupodza vanorwara. Zvino heunoi akagara, achirwara, pachake, achifamba nachiremba pamwe chete naye, Ruka. Nguva yese paanoenda, anotora chiremba pamwe naye, murume ari kuparidza kupodza kwaMwari. Handiti, ndakamuona achirova munhu nehupofu. Akati, 'Ishe ngavakutuke, uye uchava bofu kwechinguva.' Asi otendera mupfuri wemhangura achimudzinga pamusangano. Ndinofunga akarasikirwa nesimba rake rekurova vanhu nehupofu. Haiwa, akarasikirwa nesimba rake rekupodza kwaMwari. Mwari vamupandukira."

³¹⁸ Handifungi kuti Dhemasi akaenda kunze munyika, nokuti Dhemasi akanga ari we... Munoziva nhoroondo yake. Akanga ari wemhuri huru, yakapfuma. Uye aida kufambirana nemhomho yose.

³¹⁹ Asi, Pauro, Pauro mudiki anonzwisa hurombo. Chaiva chii? Mwari nguva dzose vanoita kuti shumiro ive saizvozvo, uye vobva vaipfekedza korona.

³²⁰ Vakarega Jesu akasvika panzvimbo yakadaro. Tarisai apo. PaAikwanisa kumutsa vakafa, paAigona kuita chero chipi chaAida kuita; ndokurega muuto weRoma achidzura ndebvu kubva pachiso chaKe, uye ndokumupfira kumeso kwaKe. [Hama Branham vanoita ruzha rwekfupfira mate—Mupepeti] NdokuMurova pa... Akamuvhara nechidhende kumeso kwaKe, ndokuti, "Zvino, Unoziva, vanondiudza kuti Uri Muporofita." Vose zvavo vakamira ipapo vaine tsanga, ndokuMurova mumusoro. [Hama Branham vanorova chimwe

chinhu.] Vakati, "Zvino tiudze kuti ndeupi wacho Akurova." Aiziva wacho akanga Amurova. Uh-huh. Chokwadi. Aiziva. Maona? Asi shumiro yaKe yakanga yachigadzirira kupfekedzwa korona.

³²¹ Zvinogara zvichisvika panzvimbo iyoyo painoita sokunge yanyatsopera simba, chaizvo, yoda kutoparara, ipapo Mwari vanobva vaiisa korona.

O Ishe, ngazviitike. Ngazviitike, Ishe.

Ngatikotamisei misoro yedu.

NdinoMuda, ndinoMuda

Nokuti ndiYe akatanga . . .

Zvino Munamate. Tava nedzidziso yakaoma.

Ndokutenga ruponeso rwangu

Pamuti weKarivhari.

³²² Ngatisimudzei maoko edu zvino kwaAri.

Ini . . .

Zvino ivai muMweya, munoona, "NdinoMuda."

. . . ndinoMuda

Nekuti ndiYe katanga kundida.

Ndokutenga ruponeso rwangu

Pamuti weKarivhari.

³²³ Zvino, ngatisimukei, netsoka dzedu.

Murwiyo rwedu rudiki rwekuparadzana, tinoimba ndima yekutanga, tichakwazisana maoko; ndima yechi 2, tichayiimbira kuna Mwari. Zvakanaka. Zvino ipapo tobva taparadzana.

Zvino, ngatiimbei:

Tora Zita raJesu pamwe newe,

Mwana wekuswa nenhamo;

Richakupa mufaro nokunyaradzwa,

Ritore kwese kwaunoenda.

Zita rakakosha, O rinotapira kwazvo!

Tariro yenyika nemufaro weDenga;

Zita rakakosha, O rinotapira kwazvo!

Tariro yenyika . . . Kudenga.

³²⁴ Zvino, rangarirai izvi, zvino. Ndichakumbira hama diki, pano, yandanga ndinayo mukamuri maminetsi mashoma apfuura; hama duku ino—inokosha, mumishinari kuAssemblies murenje kumusoro uko; ndakanganwa kuti zita ravo ndian, Ndichavakumbira, vatiparadzanise nemunamato kana tichingetaimba ndima iyi inotevera:

Tora Zita raJesu pamwe newe,

Senhowo kubva kumiteyo yose;

Uye kana miyedzo yaungana yakakukomba,

Ingofema Zita Dzvene iroro mumunamato.

³²⁵ Tarisa madhimoni achibva ipapo. Maona? Zvino, rangerirai:

Tora Zita raJesu pamwe newe,
 Senhowo kubva kumiteyo yose;
 Uye kana miyedzo yaungana yakakukomba,
 Ingomira, uye wofema Zita Dzvene iroro
 mumunamato.

³²⁶ Tarisa zvinoitika. Zvakanaka. Tose pamwe chete zvino.

Tora Zita raJesu pamwe newe,
 Senhowo kubva kumiteyo yose;
 Kana miyedzo yaungana yakakukomberedza,
 (Unoita sei, zvino?)
 Ingofema Zita Dzvene iroro mumunamato.

Zita rakakosha, (Zita rakakosha!) O rinotapira
 kwazvo! (O inotapira kwazvo!)
 Tariro yenyika nemufaro weDenga;
 Rakakosha..., (. . . ? . . . munoona kamusikana
 kadiki ako . . . ? . . .) Oo rinotapira kwazvo!
 (Huya pano, mudiwa.)
 Tariro ye . . .

³²⁷ Uchakamira pano: Nguva yandakapedzisira kuva
 patabhenakeri, apa (Amai ava vanoramba vachiseka
 vachinongedza kumwana.), mwana uyu akanga akaiswa
 zvisimbi zvinotsigira makumbo. Heunoi uyu, achimhanya
 kwese-kwese pano, achitamba zvinotapira nhasi. Hazvina
 kunaka here? Ishe ngavarumbidzwe. Zvino, tarisa kuno:
 Mudikani, svetuka uchidzika uye uvaratidze, uko, kuti unogona
 kumhanya-mhanya sei. Maona?

Oo, Zita rakakosha, (Rangerirai, Chirairo
 manheru anhasi, zvino.) . . . rinotapira
 kwazvo!
 Tariro yenyika nemufaro weDenga;
 Zita rakakosha, O rinotapira kwazvo!
 Tariro yenyika nemufaro we . . .

³²⁸ Zvino ngatikotamisei misoro yedu. Uye rangerirai shumiro
 manheru anhasi, zvino; uye husiku hweChirairo. Uye imi mose
 mozvirangarira, imi, muri Makristu, tinokukokai kuti muuye
 kuzotora Chirairo pamwe nesu. Tiri kutarisira nguva yakanaka
 kwazvo.

³²⁹ Mufundisi wedu anokosha, pano, Hama Neville, uye . . .
 Vangani vanoda Hama Neville? Itii, “Ameni.” [Ungano inoti,
 “Ameni.”—Mupepeti] Inzwai, hama, nditeererei sewenyu . . .
 somumwe wevafundisi pano patabhenakeri: Rambai makati
 kwati-kwati naHama Neville. Gara navo. Maona? Muranda
 waKristu. Garai navo. Bhaibheri rakati, “Ngatiungane pamwe
 chete: uye zvikuru sei muchiona zuva rakaipa iri richiswedera.”
 Huyai kushumiro, huyai; ngatipindei mukati chaimo uye tomira

parutivi chaipo pemufundisi wedu. Maona? Nyatsogarai na . . .



62-1104M Mazita Anomhura
Branham Tabhenakeri
Jeffersonville, Indiana U.S.A.

SHONA

©2024 VGR, ALL RIGHTS RESERVED

VOICE OF GOD RECORDINGS, ZIMBABWE OFFICE
8 ST. ANNES ROAD, AVONDALE, HARARE, ZIMBABWE

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chiziviso chekodzero

Kodzero dzose dzakachengetedza. Bhuku iri rinokwanisa kudhindhwapapirinda yekumba kuti ushandise uri iwe pachako kana kugovera kunze, usingatengesi, semudziyo wekuparadzira Evhangeri yaJesu Kristu. Bhuku iri harigoni kutengeswa, kudhindhwakawanda, kuiswa pawebhusaiti, kana kuwana mumuchina waringachengeterwa, kuturikirwa mune mimwe mitauro, kana kushandiswa kukumbira mari pasina mvumo yakanyorwa nevekuVoice Of God Recordings®.

Kuwana umwe umboo kana zvimwewo zviripo zvingawanikwa, tapota nyorera:

**VOICE OF GOD RECORDINGS, ZIMBABWE OFFICE
8 ST. ANNES ROAD, AVONDALE, HARARE, ZIMBABWE**

**VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.**

www.branham.org